



CASO DI DAMA MERICANO PERDI

# DETENCION PROLONGA CU 16 DIA







## Candela di mondi basta grandi na Cumana a spanta habitantenan

Diadomingo merdia a drenta informe di cu tin un candela di mondi basta grandi na Cumana, mesora a dirigi tanto polis como bombero na e sitio. Na yegada di e patruya a bin constata cu di berdad tabata trata di un candela di mondi basta grandi cu tabata molestia e habitantenan. Na yegada di bombero mesora a cuminsa cu e combate y a logra domina esaki.



## Auto a keda memey di caminda despues cu parti di wiel a kibra

Diadomingo atardi a drenta informe cu banda di Tamarijn Hotel e wiel di un auto a kibra y e vehiculo a keda memey di caminda, mesora a dirigi un patruya pa bay vigila e trafico mientras cu takelwagen priva tabata na caminda. Na yegada di e patruya nan a constata cu aki e wiel di un auto a kibra y cu esaki a keda riba caminda y tabata stroba e fluho di e trafico. Polis a guia e trafico te ora cu e takelwagen a yega pa hala e auto for di caminda. Afortunadamente ningun hende a resulta herida.



Diadomingo mainta a drenta informe di cu un doño di cas a lanta y a haya un auto cu no ta di dje den su cura para, mesora a dirigi un patruya na e sitio. Na yegada di e patruya a bin compronde cu aki tabata trata di un auto cu tabata precedente di ladronia. E investigadornan tecnico di polis a bay na e sitio y tuma vingerprint cu tabata tin den e auto pa asina acelera e detencion di e sospechosonan cu a horta e auto.

## Doño di cas a haya un auto cu no ta di dje den su cura di cas y a yama polis





# Detencion di sospechoso di posible hogamento di muher Mericano alarga



**DURANTE** dianan cu a pasa hopi hende tabata pendiente pa haya informacion encuanto e caso di e homber mericano, Giordano, kende a keda deteni relaciona cu e dama mericano Robin Gardner kende ta perdi. Ayera despues di basta inconveniencia organizatorio, manera baymento di coriente y atende cu e caso na Warda di polis na San Nicolas na lugar di por ehempel Corte, Ministerio Pubico a logra pa haya OK di Hues Comisario pa detencion di Giordano sigui cu 16 dia extra. For di Ministerio Publico redaccion a haya e siguiente

informacion; 'Riba peticion di Ministerio Publico di Aruba, Huez Comisario a dicidi ayera pa duna ordo pa alarga e detencion di e homber Mericano G.V.G., sospecha di envolvimiento den e posibel hogamento di e muher Mericano R.G. dia 2 di augustus ultimo. Su detencion a wordo alarga cu e termino di 16 dia.

Ministerio Publico y Cuerpo Policial Aruba ta ripiti e peticion urgente na personanan cu por duna informacion tocante e sospechoso G.V.G. pa acudi na Warda di Polis of yama e tiplijn

na 11141.

Pa tips for di Merca a habri un linea di telefon separa y esey ta 011-297-5820695.

Riba e number aki por laga un mensahe.'

E mericano Giordano awor ta sera den KIA, mientras e investigacion ta sigui su rumbo. Importante ta pa haya informacion for di publico; kende lo por a wak e pareha aki ultimo biaha?

Debi cu tin hende ta pretende cu na ningun momento nan a wak e homber Giordano yega beach na Colony cu e dama

mericano, no ta keda nada otro di pidi cooperacion di pueblo en general pa haya informacion unda tabata e ultimo biaha cu e dosnan aki a wordo mira.

Ainda ta posibel pa hende por corda algo cu a pasa algun dia pasa, pero si warda mas dia memoria ta laga hende na caya. E pareha mericano tabata core den un V Car marca Toyota Rav, color blanco di 4 porta.

Ken por a wak e auto aki pa ultimo biaha y den ki barrio of vecindario, e number di e auto ta V 787 y riba su mes ta un number hopi facil pa corda of cu ta keda den memoria compara cu otro numbernan grandi.

E homber mericano Giordano tabata keda na Renaissance Suites y ta hopi importante pa e investigacion, pa saca afor unda e persona aki tabata, sea un anochi prome cu e dama kende supuestamente a perde riba laman e dia siguiente.

Riba diamars atardi 2 di augustus 2011 e homber a bati alarma cu e dama a perde riba laman na Colony.

Esnan cu ta traha na por ehempel pomp di gasolin, esnan cu ta traha den bar, na lugarnan unda

turistanan ta frecuente etc, ta wordo pidi pa refresca memoria, si nan a wak e V car cu sea e pareha den dje of e homber so y na ki ora di dia.

Ta un solo tip mester cu un hende a wak fulano por ehempel den un area aloha na cierto ora di dia un dia prome of algun ora prome cu e dama lo a perde riba laman, ya caba ta yuda autoridadnan poco poco forma e puzzle y haci un buskeda mas exacto y intensivo.

Mientras e persona perdi no wordo haya y fulano keda boca sera, ta bay yega un momento cu mester lage bay y un biaha mas Aruba en general lo bay sali perhudica.

Ta pesey cooperacion di publico en general ta hopi crucial den e caso aki.

Como ultimo mester remarca cu aparentemente dos ora prome cu e dama supuestamente a perde riba laman, el a wordo mira hunto cu Giordano ta sinta come na Jads.

Den dos ora di tempo hopi cos por a pasa y ta pesey cualkier señalamento di e dosnan aki ta hopi importante pa autoridadnan policial.

Tin indicacion cu

## Asesinato di Marco Camara ta reglamento di cuenta

**DIADOMINGO** atardi, manera ta conoci, tabatin un caso di hincamento y batimento di un persona den un cas na Fiyostraat, Tarabana. Segun testimonian, por a tende grito di dos homber, cu tabata bringa pafo di nan cura di cas. Di acuerdo cu un testigo ora el a sali e por a mira kico ta pasando

a bin haya un homber benta banda di un auto, mal herida, mientras cu e autor a huy den mondi.

E bisiñanan ta sospecha di un pelea pa asunto di benta di droga y regalamento di cuenta. Ya cu e area aki ta conoci como un sitio di bendemento di droga. Recherche cu a presenta n'e

sitio pa inicia e investigacion. Ambulance a transporta e victima cu maximo urgencia pa Dr. Horacio E. Oduber Hospital, pero mucho no por aser haci. Informacion cu nos a haya ta bisa cu e homber yama, Marco Camara di 33 aña. Ayera vocero policial no a duna detaye di e caso lamentable aki.





Demanda pa empleo a crece

# Reactivacion di economia creando cuponan di trabao



**CIFRANAN** ta indica cu demanda pa empleo a cuminsa crece grandemente na Aruba. Esfuersonan di Gabinete Mike Eman pa realisa reapertura di refeneria Valero, crecimiento den turismo y inversionan grandi den restauracion di centronan di ciudad, barionan y infraestructura a cuminsa duna su frutanan. Segun cifranan di SVB y SIAD por mira un crecimiento grandi den e entrada di primanan y loonbelasting

den prome mita di e aña aki cu ta indica cu den menos di un aña mas di 1500 cupo di trabao nobo a wordo crea.

Gabinete Mike Eman na comienso di su gobernacion na november 2009 a haya e situacion di empleo na Aruba practicamente den un crisis. Durante gobernacion anterior Valero a sera su portanan cu consecuencia devastador pa Aruba, hotelnan tabata retira centenares di empleado y prac-

ticamente no tabatin construccion na Aruba. Medidanan di gobierno anterior tabata corta duro den entrada di pueblo y miles a keda desemplea den e tempo ey.

Awe e situacion ta mehorando. Valero a habri su portanan bek invertiendo miyones den e refineria y consecuentemente den economia di Aruba. Cu reanudacion di e actividadnan di e refineria economia di Aruba despues di un depresion di mas

di 10% lo draai atrobe riba tur su forza cu un crecimiento economico di 10%. Den e periodo di un aña caba e actual gobierno a haci e cambio necesario y ta riba rumbo pa na aña 2013 trece bek e deficit presupuestario na un nivel aceptabel.

Un otro proyecto di Valero ta encera cu ta bai haci uso di Liquid Natural Gas (LMG) di dos capacidad di 160 mil metro cubico di gas cu lo wordo carga den dos tanki. E proyecto aki lo costa 200 miyon dollar cu ta un inversion substancial. Cu ehecucion di e proyecto aki cu tin un duracion di 2 aña, WEB lo gasta 140 miyon florin menos na fuel oil y Valero lo gasta 220 miyon florin menos na fuel oil. Esaki ta baha e gastonan di operacion di e refineria y consecuentemente awa y coriente lo bira mas barata. E proceso aki ta uno hopi mas limpi cu esun actual ya cu e emision di CO2 lo ta mucho menos. E proyecto prestigioso aki lo bai wordo haci den cooperacion cu gobierno. E ta sigur algo sumamente interesante pa futuro di e isla aki. Locual ta bai cuminsa dentro di cortu a base di proyecto BoAruba di Gabinete Mike Eman ta construccion di e Centro Historico Arubano. Esaki ta encera

un edificio nobo banda e restauracion di Bestuurskantoor. Fase II y III caya grandi ta wordo ehecuta dentro di poco. Destaho publico pa restaura Watertoren San Nicolas tambe ta tuma lugar den e periodo nos dilanti. Barionan di Juana Morto, de Vuyst, Madiki y varios otro mas ta bay pasa den un renobacion total. Otro proyecto grandi na caminda ta e vierbaansweg Green Corridor cu lo core di Oranjestad pa San Nicolas. Tur e proyectonan aki lo crea hopi cupo di trabou na Aruba.



## Carta Habri na Minister Benny Sevinger

Aruba, Augustus 12, 2011  
Excelencia Minister Benny Sevinger

Presente

Despues di un cordial saludo, deseando tanto na Minister su area di trabao como su famia un feliz dia y hopi armonia y hopi pasenshi, pasobra mi por comprende cu e trabao y responsabilidad di Minister tin biaha ta trece hopi “rompecabeza”, pero conociendo Minister desde hopi tempo y siguiendo di cerca su compromiso cu su pueblo, ta dunami hopi satisfaccion como

un persona rigido cu ta para den su sapato y cu semper ta cumpli cu locual e bisa.

Minister, mi tin como 30 aña como militante di AVP y ta prome biaha cu mi ta tuma e privilegio di acudi na Minister pa un petición, algo cu tin mi hopi preocupá.

Ta lo siguiente: Mi señora tin un yiu homber na Hulanda, ya ta 4 aña y pico cu e tin sin weit’é personalmente, claro cu nan sa comunica cu otro sea vía telefon of computer, pero ta di comprende cu e kier weita su

yiú y nieta cu ta bay cumpli un aña e luna aki personalmente, pasobra e NO conoce su nieta ainda.

E ta hopi desesperá, mi tin deseo di yud’é, pero mi mannan ta mará. E ora mi a recomendé pa bay papia cu Gabinete di Gobernador, locual cu el a haci tambe. Pero nan a exigí un cantidad di placa for di dje, sinembargo nan no a manda nada Hulanda, pasobra esey ta mas of menos tres pa cuatro luna caba y nada ainda.

E tin 19 aña na Aruba y tin 53 aña di edad, mi a comprendé cu

e no tin mester di pasa examen, pero te awor nan no a manda nada Hulanda y tampoco a inform’é kico ta kico. Cada día cu pasa e ta mas desesperá, pero ami no por haci nada pé.

By the way, e ta di nacionalidad Dominicana, pero e tin tur su documentonan na ordo, pero sinembargo e empleadonan di Gabinete di Gobernador aparentemente ta haciendo wega cu n’e.

P’e motibo aki mi ta pidi Minister cu tur respèt si Minister por a yuda nos cu e por haya su pasaporte Hulandés p’asina e por biaha pa Hulanda.

Di antemano hopi danki, paso-

bra cu ami sa cu Minister ta un persona di palabra y ta cumpli locual cu e bisa.

Encarecidamente y cu tur respet,

Francisco Levi Solognier

Sabana Basora 154-H

Tel: 585-5446

Cel: 593-3521

(Email: pancho\_solognier@live.com)

P.S. Na Bestuurskantoor tin un tal Flanders (ami no conocé), cu aparentemente ta manda ey y ta dicidi ta ken por haya un cita pa papia cu Sr. Ministro y tambe e ta puntra bo tur cos y después e ta dicidi y ta bisa SI of NO.



Evelyn Wever-Croes

# Ki sentido tin pa yena formulario di Belasting, siendo cu Gobierno no ta cumpli di su parti

Paga belasting ta deber di nos tur, pero MEP por yudabo pa bo no paga di mas!



DURANTE conferencia di prensa di MEP ayera mainta, Parlamentario Evelyn Wever-Croes a duna di conoce cu Departamento di Belasting a cuminsa reparti tur formulario di Inkomstenbelasting pa 2010, y tur hende tin te dia 1 di november 2011 pa entrega nan formulario. E formulario a cambia un poco compara cu añanan anterior.

"Tin hende ta puntra ki sentido tin pa yena e formulario, si Gobierno no ta duna nan placa bek. Na nan mi kier bisa cu berdad por tarda pa Gobierno dunabo placa bek, pero cada ciudadano tin di cumpli cu su deber, y ta deber di cada persona pa paga belasting. Si bo no yena e formulario bo por haya un multa, y bo ta duna espacio na Gobierno pa calcula bo entrada na su manera. Bo por evita esey si bo yena bo formulario. Nos tur mester paga belasting, pero no di mas. Ta den bo man si bo ta paga di mas of no.

Aña pasa na sede di MEP e Parlamentario y un team di experto a yuda hopi hende yena nan formulario di belasting y e aña aki lo bolbe haci esey. E campaña lo cuminsa den luna di september. E Parlamentario a conseha tur hende pa cuminsa busca tur nan documento necesario. Un prueba di entrada di 2010, por ehempel un Loonbelastingkaart, y tambe comprobante di interes paga riba debe na banco, y tambe comprobante di prima paga pa seguro di bida. Mas den curso di otro luna lo duna mas informacón kico t'e documentonan necesario", segun Evelyn Wever-Croes.

ALL NEW **NISSAN**

# MARCH

## 2012

MT/AT:  
1.6 l, 4 cylinder  
Keyless entry  
Power steering  
Dual airbags  
AC, AM/FM/CD & MP3 & AUX jack  
Alloy  
Electric mirror  
RR Headrests  
Power windows and much more...

Manual transmission  
**Awg. 27,200**  
(bbo excl.)

Automatic transmission  
**Awg. 28,995**  
(bbo excl.)

**TOPCAR**



SHIFT\_the way you move



# Helicopter y boto di polis a asisti rescate riba lama despues cu boto a bolter na Eagle beach



**JOB OPPORTUNITY**

**SKY LOUNGE**

Sky Lounge  
(situated at Paseo Herencia)  
has a job-opening for a  
**Bartender and a Waitress.**

We are looking for someone who:  
has experience in bar tending & serving clients;  
is full of energy, friendly & likes to work with  
people; can speak fluent English, Spanish  
& Papiamentu

If this is the opportunity you were looking for,  
please mail your CV to: [skyloungearuba@hotmail.com](mailto:skyloungearuba@hotmail.com)  
For more information call 5924807.

**Afterparty**

**Caribbean**

**Place: Boyoura**

**SUPER FREE ENTRANCE**

**HITESS**  
HIGH TECHNOLOGY SALES & SERVICES N.V.  
DUTCH CARIBBEAN

HITESS N.V.  
Arendstraat 124  
Tel : +297 - 588-5966  
Fax : +297 - 588-5895  
Email : [info@hitecss.com](mailto:info@hitecss.com)

**Special on Installation Material**

**PIPELIFE**

PVC Pipes/Buis	PVC Flex Buis	PVC Mof	PVC Bocht
Afl.	Afl.	Afl.	Afl.
5/8 1.95	5/8 0.95	5/8 0.20	0.90
3/4 2.05	3/4 1.30	3/4 0.30	1.30
1" 4.10	1" 2.45	1" 1.05	1.90
1 1/4 5.65	1 1/4 2.80	1 1/4 2.25	4.50
1 1/2 8.25		1 1/2 4.05	6.00
2" 15.75		2" 4.90	9.75

Opening hours: Mon-Fri 8:00 am - 5:30 pm  
Sat 8:00 am - 12:00 pm

**Call us at 588-5966**

We are Celebrating our  
25th Anniversary  
with a 25% OFF  
Special!

(Offer valid till September 30th - Flyer must be presented -  
not valid with any other promotion)



A long tradition of serving the finest  
**Seafood & Steaks**  
for over 25 years!

Fresh fish caught daily by  
the owner himself.



Restaurant  
**Driftwood**  
Authentic Aruban Seafood

25th ANNIVERSARY

Open daily from 5:00pm - 10:30pm (closed on Tuesdays)  
For reservations call: **583-2515** - Klipstraat 12, Downtown.  
[www.driftwoodaruba.com](http://www.driftwoodaruba.com) • [driftwood@setarnet.aw](mailto:driftwood@setarnet.aw)

**DIADOMINGO** atardi a bati  
alarma ora cu un boto a bolter  
y hendenan a cay den lama na  
Eagle Beach y mester a sali pa  
bay rescata esnan cu tabata den  
e boto, tanto e helicopter, boto  
di polis, personal di strandpoli-  
tie y algun otro patruya a duna  
man pa asina rescata esnan riba  
lama. Afortunadamente a logra  
haya tur sano y salvo.

**DANKI PA YAMA**

E celular aki  
ta dibo si  
bo tip  
conduci na  
un articulo  
exclusivo

**HOTLINE**  
**733-8477**

**Digicel**

E Red Mas Grandi y Mihor.

**AWE Mainta**

**AWE Mainta**

Find us on  
**Facebook**

Like





# RED ta desea un y tur exito den e aña escolar nobo

PARTIDO RED ta desea maestro-  
nan, alumnonan, estudiantenan,  
muchanan di scol, mayornan tur  
clase di exito den e aña escolar  
2011-2012.  
Mayornan: esaki ta e miho heren-  
cia cu bo por laga pa bo yiunan,  
esta un bon educacion. Maestro-  
nan: boso por haci diferencia den  
bida di un ser humano.  
Alumnonan: educa bo mes pa bo

bay dilanti den tur sentido.  
Lamentablemente educacion  
no tabata prioridad di ningun  
Gobierno na Aruba desde cu nos  
a haya Status Aparte. Gabinete  
Mike Eman no ta un excepcion  
tampoco.  
Tur pais cu a haci progresonan  
grandi a pone como prioridad in-  
verti den e sistema di enseñanza.

E ehempel clasico ta Singapore,  
cu den e ultimo tempo a bira un  
potencia economico mundial y  
a pasa pa ocupa un di e prome  
lugarnan cu menos corrupcion  
segun 'Transparency Interna-  
tional'. Laga nos no lubida cu  
Singapore tabata un di e paisnan  
mas pober y corrupto den decada  
di sesenta.  
Cua tabata e secreto di un desa-

royo asina spectacular? E Gobi-  
erno a duna prioridad na edu-  
cacion, a pone como meta pa un  
parti grandi di e poblacion yega  
na nivel di educacion superior.

Na Aruba cua Gobierno cu a sinta  
for di 1986 a descuida nos edu-  
cacion. Gabinete Mike Eman cu  
tanto a priminti no ta haciendo  
practicamente nada digno pa e  
calidad di nos sistema di educa-  
cion. Ta ripiti e mesun vicionan  
di pasado, pone trailernan sin  
destaho publico cu no ta condi-  
cionnan apto pa nos muchanan  
haya educacion.

Na EPB casi maestronan no por  
duna lesa mas y toch Gobierno  
no ta tuma ningun medida di  
reforma educativo.

No ta valora e maestro cu un  
miho salario y incentivonan  
financiero pa haya un miho  
calidad, tampoco tin control di  
calidad.

Nada ta wordo haci cu un mane-  
ho nobo di idioma dunando  
Papiamento su lugar mereci.  
Ta anuncia out of the blue un  
MAVO pa Dakota sin un estudio  
previo, mientras cu e prioridad-  
nan ta di un MAVO/HAVO ta na  
Noord unda e mayoria di pobla-  
cion ta concentra y haci un HAVO

completo na San Nicolas.  
Ta pone un Minister cu no sa  
nada di enseñanza y ta dune  
otro cartera pisa, mescos cu e  
Gobierno anterior.

Cada bes mi ta haya mas y mas  
e impresion cu e clase politico  
di Aruba kier tene e mayoria cu  
poco escolaridad, pa asina man-  
tene e sistema di cheap labor y  
por cumpra voto ora di eleccion.

Na Aruba ta sosode net con-  
trario cu Singapore, cada bez tin  
menos placa disponibel pa nos  
sistema di educacion.

No tin ningun meta pa eleva e  
cantidad di poblacion cu mes-  
ter alcanza e nivel di educacion  
superior.

No ta fiha un maneho pa logra  
por ehempel cu por lo menos  
20% di nos hobennan mester  
caba por lo menos HAVO. Al  
contrario, cada bes e percentahe  
di nos poblacion cu solamente ta  
yega te EPB of MAVO ta birando  
mas halto. Cifranan ta muestra  
cu e nivel di escolaridad di nos  
poblacion ta bahando dia pa dia.  
Esei ta e resultado di e maneho  
desastroso di nos Gobiernonan  
pa loke ta nos sistema di edu-  
cacion.



**Compania Arubiano di Bus N.V. (Arubus)**, het openbaarvervoersbedrijf van Aruba opgericht in 1961, heeft als doelstelling "het onderhouden van autobusdiensten voor openbaar personenvervoer en het exploiteren van autobussen en andere vervoermiddelen, en alles wat daarmee verband houdt". Arubus biedt naast openbaar vervoer over de grootste delen van het eiland, tevens schoolbussen en privé charters aan. Arubus bezit in totaal 40 bussen. Door enerzijds de steeds stijgende brandstofkosten, nieuwe technologie en een toenemende aandacht voor het milieu en anderzijds door het sociaal karakter van de dienstverlening, staat Arubus voor belangrijke beslissingen omtrent haar visie, missie en een hierop afgestemde governance structuur.

In verband met pensionering van de huidige directeur zijn wij op zoek naar een:

## Directeur

**De functie**  
Als directeur staat u aan het hoofd van een organisatie waarin 100 medewerkers werkzaam zijn. U bent verantwoordelijk voor de ontwikkeling en uitvoering van het strategisch plan en de daarin geformuleerde doelstellingen. U bent eindverantwoordelijk voor de kwaliteit van de dienstverlening, financieel beheer van Arubus en legt verantwoording af aan de Raad van Commissarissen over de bereikte resultaten.

**Het profiel**  
U beschikt over WO werk- en denk niveau en heeft minimaal 5 jaar ervaring in een soortgelijke functie. U heeft kennis van en ervaring met de sector vervoer en in het bijzonder openbaar vervoer. U bent commercieel ingesteld, resultaatgericht, daadkrachtig en besluitvaardig. Verder bent u innovatief en geeft op een inspirerende wijze leiding. Uw verbindend vermogen stelt u in staat om alle stakeholders bijeen te kunnen brengen. U beschikt over uitstekende communicatieve vaardigheden, zowel schriftelijk als mondeling, in de Papiamentse, Nederlandse en Engelse taal.

**Sollicitatieprocedure**  
Uw motivatiebrief voorzien van CV, diploma's en getuigschriften kunt u richten aan mevr. S. Bahali-Figaroa **vóór 23 augustus a.s.** e-mailen naar [arubus-recruitment@deloitte.com](mailto:arubus-recruitment@deloitte.com). U ontvangt altijd binnen 2 dagen een ontvangstbevestiging.

Voor nadere informatie over de functie en/of sollicitatieprocedure kunt u contact opnemen met mevr. S. Bahali-Figaroa, Senior Consultant Human Capital bij Deloitte Dutch Caribbean (Aruba) tel: +297 5826-235. Een psychologisch onderzoek en/of assessment kan deel uitmaken van de selectieprocedure.



# Persona a hera hoga na Palm Island

DIALUNA merdia a drenta informacion cu un hende a hera hoga na Palm Island y mesora a dirigi ambulans na e lugar.

Na yegada di e ambulans nan a nota cu aki ta trata di un participante di Suriname cu a bini Aruba pa e celebracion siman di polis.

Ta asina cu durante e evento cu tabata tuma lugar riba Palm Island un di e participantenan femenino a hera hoga y mesora a yude y a atende pero mirando su situacion a opta cu lo ta mihor pa transporte cu urgencia pa hospital.

Cu escolta policial e ambulans a sali rumbo pa hospital.



# Aruba su team di Little League a yega bon Williamsport



## Felis Dia di Polis

celebracion 25 añu cuerpo policial arubano

*Pabien riba  
boso dia.  
Sigui cu e  
bon trabao*



INFORMACION cu nos a ricibi for di algun mayor ta bisa, cu e muchanan di Aruba Little League cu a bay representa Caribbean den e Serie Mundial di Little League aya na Williamsport, Pennsylvania a yega bon y ya nan a ricibi nan uniform nobo caba.

Ya pa dialuna caba por a wak algun potret di e muchanan ta train den bating cage y tambe ora e pitcher Gillian Wernet tabata riba e monticulo ta warm-up.

E wega nan mes ta programa pa cuminsa dia 18 di augustus.

Pues den transcurso di e siman aki lo bai trece mas informacion di e schedule di e weganan pa asina e pueblo di Aruba por ta claba dilanti di e television pa asina presencia e wega nan di Serie Mundial di Little League atraves di ESPN.

Riba e fotonan por mira na momento cu e team di Caribbean a ricibi nan bat y algun matrial mas for di Easton, tambe por wak e badge cu e hungador nan a haya, tambe por wak e hungador nan cu algun persona di Merca mes y tambe e manager y coachnan den nan uniform nobo.



25 añu Cuerpo Policial Aruba • 25 añu Cuerpo Policial Aruba • 25 añu Cuerpo Policial Aruba • 25 añu Cuerpo Policial Aruba



Ministerio di  
Husticia y Enseñansa





Renobacion bario di Madiki ta otro logro positivo di Gobierno

## Den algun siman tin destaho pa proyecto BoBario Madiki



YA pa otro luna tur e detayenan pa e proyecto renobacion di Madiki ta cla pa bay destaho publico. Sinembargo pa otro siman caba lo cuminsa tambe e di dos di fase di e proyecto Pinta bo Bario cu a haya un acogida masha positivo

E tres prome proyectonan den e Plan di Renobacion BoBario ta Yuwana Morto, Madiki y de Vuyst. Tur lo bira e modelonan di loke ta e vision di Gabinete Mike Eman pa crea barionan moderno. Ya caba a cuminsa cu e prome proyecto cu lo bira e modelo di loke e otronan lo bay ta, esta Yuwana Morto, caminda e daknan lo ta solar roof pa crea un sistema di energia

alternativo. Igual cu na Yuwana Morto, e bario di Madiki su aspecto lo cambia completamente unda cu tur e aceranan lo ta di klinkers dunando un dimension diferente di loke e barionan ta awor, caminda Gobierno anterior no a haci net pero net nada pa mehora e bida di e ciudadanonan di Aruba. Mas bien a mira un deterioro grandi, no solamente den e barionan pero den tur aspecto di bida na Aruba. "Nos a haya un trabou inmenso na inicio di nos gobernacion. Pesey ta importante cu tur nos conciudadanonan comprende cu e trabounan riba tereno social kisas ta mustra di menos importancia, pero

hustamente nan ta masha importante, pasobra di e manera aki ta crea un miho bida pa nos hendenan y na nan turno ta para positivo pa crea un miho producto Aruba," Prome Minister Eman a duna di conoce. Loke ta masha importante pa Gobierno cu ta wordo inclui den e proyectonan aki ta e parti di recreacion. E ultimo a keda demonstra di ta masha importante ora cu Gabinete Mike Eman a hiba e wegá Pannabol den tur e barionan. El a cosecha un exito inmenso y a duna indicacion di e falta grandi cu tin pa hopi aña largo pa e tipo di recreacionnan aki den e barionan. No solamente Pannabol, pero a bin cu

diferente programanan social pa uni e barionan, crea un tipo di conexion y convivencia mas harmonioso. Asina a bin cu e programa di verfmento di bario, e wegá ganá di pannabol, pelicula den aire liber y mucho mas. Ademas di e programanan ariba menciona, Gabinete Mike Eman a percura pa un cantidad grandi di renobacion y mantencion di scolnan. Nunca antes a dedica asina hopi y profundo na scolnan di Aruba. Awe mes Gobierno lo ta den un conferencia di prensa for di Anglo Kleuterschool cu tambe lo conoce un renobacion di scolnan na Playa, Noord, San Nicolas y tambe na Santa Cruz.



# Mi ta orguyoso di a bira polis pa sirbi mi pais

AWE Parlamentario pero su curason ta cu Cuerpo Policial caminda si el a keda den cuerpo policial e lo a cumpli 25 aña den Cuerpo Policial, mes tanto aña cu Cuerpo Policial ta existi. Tawata 1 september 1986 cu Clarisca Velasquez a drenta Cuerpo Policial.

Clarisca Velasquez ta un polis di curason y a eherce su trabao cu hopi dedicacion y integridad cu awe e ta recorda su añanan di servicio cu hopi satisfaccion pero tambe cu hopi nostalgia paso e ta un trabao cu hopi accion.

Clarisca ta un di e prome hende muher polis cu ta mama pasobra e y su Colega Aster Marquez di su klas a drenta skol di polis siendo mama.

Tambe Clarisca ta e prome hende muher divorcia cu a wordo tuma den dienst na aña 1986 y el a pasa basta caminda di crus pa a wordo tuma den dienst siendo un hende muher divorcia.

Clarisca su klas di adspirant polis ta e prome klas cu tawata conta cu 7 hende muher den

klas y Clarisca su klas di polis ta e prome klas di aspirant polis cu a haci e opleiding den e sistema nobo cu ta yama H.A.P.O system, cu ta e Herziene Arubaanse Politie Opleiding. Un sistema nobo pa guia e polis cu a wordo introduci 25 aña pasa.

Clarisca su klas di polis ta e promenan cu a haci uso di e bolhoed cu awe e polisnan femenino ta bisti como parti di nan uniform. Awe Clarisca Velasquez ta Parlamentario y ta presidi e comision di husticia den Parlamento caminda el a bin cu e maneho den su comision pa involucra cuerpo policial den tur e tratamiento di leynan cu ta regarda e trabao di polis, pa nan ta na principio caba envolvi den tratamiento di leynan paso ta polisnan ta esnan yama pa enforza e leynan y controla e leynan pa nan duna nan contribucion na cambionan den e leynan aki.

Cuerpo policial ta mas envolvi awor cu Parlamento y ta bin duna presentacionnan tambe pa Parlamento ta na altura di ki

balor cambionan den leynan tin pa Cuerpo Policial.

Clarisca a sigi tur su cursonan di e diploma cu bo mester haal den cuerpo policial y a laga e rango di Hoofdagente eerste klasse na momento cu el a asumi e asiento den Parlamento na aña 2009, y ta e prome polis cu a subi lista politico cu a drenta Parlamento di Aruba cu ta e organo mas halto di nos pais. Clarisca durante su añanan den Cuerpo Policial a keda 6 aña na straatdienst Oranjestad, despues a wordo escohi pa bay traha 2 aña na verkeersafdeling, despues a traha 1 aña na bureau BOV (Controle Openbaar Vervoer), despues a traha 2 aña na Joyriding, y despues di a solicita a wordo escohi pa bay traha 5 aña y mey na RST (Recherche Samenwerkings Team), y despues a wordo escohi pa bai traha 1 aña na Landsrecherche, y despues a bai traha 1 aña na recherche Noord, y despues di a studia y obtene su diploma di experto financiero

riba investigacionnan financier, a bai traha na e departamento cu ta haci investigacionnan Financiero di Cuerpo Policial te ora el a wordo escohi pa drenta Parlamento di Aruba.

Clarisca for di den Parlamento lo sigi percura pa husticia haya su atencion necesario den forma di leynan, cambio di leynan, y

presupuesto pa husticia por haya haci su trabao di combati criminalidad y mantene e seguridad di nos hendenan y nos isla manera mester ta.

Clarisca ta desea su coleganan di Cuerpo policial hopi pabien y cu cuerpo policial por sigi eherce nan trabao profesionalmente den bienestar di nos pueblo!



## Parlamentario Clarisca Velasquez Pabien na nos Cuerpo Policial cu 25 aña di existencia

DIA 16 di augustus nos Cuerpo Policial ta cumpli 25 aña di existencia y nos por ta orguyoso di tur loke nos Cuerpo Policial a logra y ta haciendo pa e seguridad di nos pueblo.

Nos cuerpo policial a nace na aña 1986 y a gatea te awe, e ta para riba su propio pia y ta haciendo lo maximo pa mantene e orden publico y tambe ta percura cu nos pueblo su seguridad ta wordo salvaguardia. Manera nos insigna y emblema ta representa: "Vigilat Ut Quiescant" ora pueblo ta descansa polis ta labora. Nos cuerpo policial a pasa den diferente etapa di su existencia y awe e por conta cu mas di 300 polis y tambe a conoce su di 7 korpschef cu awe ta dirigi su Cuerpo Policial.

Na tur e polisnan cu tawata

forma parti di KPNA cu a dicide di keda yuda nos cuerpo policial nobo, nos kier a gradici nan cu awe nan ta e backbone di nos cuerpo policial y tambe na tur esnan cu a bira polis pa sirbi nos pais.

Dia 16 di augustus ta dia di polis y riba e dia grandi y historico aki nos tin cu para keto un rato na e labor cu e polis ta eherce tur dia di su bida. Despues di añanan den opleiding di polis, cu ta uno duro y cu hopi disciplina, ta bai sirbi su pais cu hopi dedicacion y pone den practica tur loke el a siña den su opleiding. Aparte di e teoria di tur su leynan cu e ta siña pa e por eherce su trabao manera mester ta, su condicion fisico mester ta den forma optimal pa e por haci su trabao optimal y cu integridad

pasobra e trabao di un polis ta uno hopi varia.

E polis tur dia ta bai su trabao sin sa kico ta spere den su trabao y aki ta haci e trabao di un polis hopi peligroso, pero cu conocimiento di su ley y su condicion fisico den top forma y integridad e polis lo sa di haci un bon trabao.

Un pabien na tur nos polisnan cu 25 aña di existencia di nos cuerpo policial y cu Dios compana nan den nan trabao pa nan por sigi cuida nos pueblo na e mihor forma y cu integridad sigi eherce nan trabao pa hiba e nomber di nos cuerpo policial na halto, y cu nan por sigi cu e bon trabao di combati criminalidad den nos comunidad y mantene e seguridad di nos pueblo como prioridad number uno.





Oficina Central di Estadistica ta presenta

# Resultadonan principal di Índice di Prijs di Consumo (CPI) pa luna di juli 2011

Energia y cuminda ta registra aumento

E Índice di Prijs (CPI) pa luna di juli 2011 ta 120.27, loke ta representa un subida di 0.18% compara cu e índice di juni 2011 (120.06) y acumulando un subida di 5.17% te cu na juli di e aña aki.

E cambio di e CPI p'e ultimo 12 luna (juli 2010 te cu juli 2011) ta 4.96%, un subida di 5.02 punto di porcentahe (ppt) compara cu e periodo correspondiente di aña pasa (-0.06%).

E promedio anual di e tasa di inflacion p'e periodo di juli 2010 pa juli 2011 ta 1.50%, un caida di 0.43 ppt compara cu e 1.93% registra den e periodo di juli 2009 pa juli 2010.

Durante e luna aki, 9 di e 12 sectornan a registra subida di prijs.

E subidanan cu tabatin e mayor efecto riba e CPI a wordo registra p'e sectornan "Paña y sapato" (1.64%), "Cuminda y bebida no-alcoholico" (0.39%) y "Transporte"

(0.28%), causando un efecto di respectivamente 0.10, 0.05 y 0.05 ppt.

E subidanan den e restante sectornan a contribui cu un efecto total di 0.05 ppt.

E subidanan aki a wordo contraresta parcialmente dor di caidan den e indicenan di e sectornan di "Comunicacion" (-0.96%) y "Mobilario" (-0.32%), cu a contribui cu un efecto di -0.05 y -0.02 ppt respectivamente.

E subida den e sector di "Paña y sapato" a wordo causa principalmente dor di un subida den e categoria "Paña" (1.81%), causando un efecto di 0.09 ppt.

E subida den e sector di "Cuminda y bebida no-alcoholico" t'e resultado di un subida di 0.56% den e categoria "Cuminda" cu tabatin un influencia di 0.06 ppt.

E subida den e sector di "Transporte" t'e resultado di subida den e categorianan "Compra di vehiculo" (3.56%) y "Servicio di

transporte" (7.01%) cu a contribui respectivamente cu un efecto di 0.24 y 0.09 ppt.

E subidanan aki a wordo respectivamente contraresta parcialmente dor di un caida di 2.80% den e categoria "Gasto relaciona cu uso di vehiculo di transporte personal" cu tabatin un influencia di -0.28 ppt.

E caida den e sector di "Comunicacion" a wordo causa dor di un caida den e categoria "Servicio di telefon y fax" (1.20%), causando un efecto di -0.06 ppt. E caida den e sector di "Mobilario" t'e resultado di caidan den 3.58%, 2.50% y 0.20% den e categorianan "Articulonan di glas y cristal, set di tayo y utensilio pa cas", "Herment y ekipo pa cas y hardin" y "Bienes y servicio pa mantencion ordinario di cas" cu hunto a contribui cu un efecto di -0.02 ppt.

E canasta di consumo di e CPI ta consisti di 452 bienes y servicio. Compara cu juni 2011, 43.8% di e bienes y servicionan aki

a conoce un aumento di prijs, mientras cu 31.4% ta muestra un caida di prijs y p'e restante 24.8% no tabatin cambio den prijs. Prijsnan di bienes a subi cu 0.12%, causando un efecto di 0.08 ppt riba e cambio mensual di e CPI. Prijsnan di servicionan a subi cu 0.28% y a causa un efecto di 0.10 ppt.

E CPIC (core inflation) - CPI excluyendo e efecto di energia y cuminda - a registra na juli 2011 un subida di 0.15%, cu ta 0.92 ppt mas abou compara cu e periodo correspondiente di aña pasa (1.07%).

E índice di energia - cu ta consisti di e productonan; electricidad, awa, gasolin y diesel - a registra un subida di 6.29%, cu ta 1.45 ppt mas abou compara cu e periodo correspondiente di aña pasa (7.74%). E índice di cuminda a registra un subida di 1.12%, cu ta 3.57 ppt mas halto compara cu e periodo correspondiente di aña pasa (-2.45%).

Nan ta un di e companianan di seguro cu mas ta creciendo den Caribe

## A.M. Best ta afirma "rating" halto di Nagico

E organisacion A.M. Best Co. a confirma e rating fuerte financiero di B++ (Bon) y rating como compania di seguro cu ta otorga credito di "BBB" di Nagico N.V. E bista pa tur rating ta stabiel. Ora di midi rating di un compania di seguro, ta tene cuenta cu e patrimonio comun entre Nagico y

NICL, capital adecua consolida y riesgo - ahusta, Nagico su presencia dominante den su mercado domestico y rentabilidad general den e añanan recien.

Nagico t'e agencia di seguro lider na St. Maarten y ta un di esnan cu mas ta creciendo den tur su otro

mercadonan den Caribe incluyendo Aruba, Bonaire y Corsou. Riba un base individual y consolida, Nagico ta sigui raporta ganashi den su operacion general. Dunando nan compania madre un minimo na dividendo, Nagico como NICL tabata capaz pa aumenta nan capital durante e re-

tencion di ganashi. Consecuentemente, ambos compania ta sigui mantene mas cu capital di ahustacion di riesgo adecuado pa nan imagen di compania actual. Adicional, Nagico y NICL, a implementa polisa di maneho di riesgo adecuado y procedura pa evalua y maneha riesgo durante nan operacionnan.

Parcialmente, loke ta poniendo e factornan di rating faborabel aki, t'e aumento den e mercado regional di competencia den cua Nagico y NICL ta opera y e flexibilidad limita financiero di ambos compania ta como resultado di nan estructura di patrimonio priva. Nagico como NICL, manera e otro seguronan regional, tin un exposicion significativa pa perdida catastrofico y e companianan ta maneha e riesgo aki mediante esfuersonan pa re- sigura e exposicion te na un nivel manehabel y proteha nan surplus contra frecuencia di evento.

E metodologia principal usa pa determina e rating-nan aki ta [Best's Credit Rating Methodology -- Global Life and Non-Life Insurance Edition](#), cu ta provee un splicacion comprensivo di A.M. Best's rating su proceso y ta highlight e diferencia di rating di criterio contrata.

Otro yabi adicional usa ta inclui "Risk Management and the Rating Process for Insurance Companies", "Understanding BCAR for Property/Casualty Insurers", "Understanding Universal BCAR", "Rating Members of Insurance Groups", "Natural Catastrophe Stress Test Methodology" y "Assessing Country Risk". Por haya e metodologianan aki riba [www.ambest.com/ratings/methodology](http://www.ambest.com/ratings/methodology).

A.M. Best Company ta Funda na aña 1899 y ta e fuente di informacion di mas bieu na mundo y e rating autorisa pa companianan di seguro. Pa mas informacion, bishita [www.ambest.com](http://www.ambest.com).



Ta anuncia cambio di  
**Botica na Warda**  
pa e siguiente siman nan:

Di 13 di augustus -20 augustus

**Botica Central lo bay ta na warda**

Di 3 di september - 10 september

**Botica Kibrahacha lo bay ta na warda**

**Nos ta cuida bo salud**



John van der Biezen, miembro di partido AVP

# Mensahe na e studiantenan y educador nan pa aña escolar 2011-2012



MI kier a desea tur estudiante cu ta bay cuminsa e aña eescolar 2010-2011 hopi exito, forsa y perseverancia.

E deseo di supera bo mes ta un reto y alaves un aspiracion noble.

E escohencia pa exito aki ta un muestra di curashi y amor pa bo mes, bo ser nan keri y pa nos dushi pais, Aruba.

Corda semper cu Dios ta duna forsa y sabiduria pa persevera. Na tur e maestro- y maestra nan mi kier a desea hopi forsa, curashi y perseverancia y cu Dios Todopodero duna Su proteccion, guiansa y bendicion pa e aña escolar nos dilanti.

**Back 2 School Madness**

Geodriehoek 1,30

Schriften 0,75

Agenda 10,50

Snelhechters 0,85

Scientific Calculators 29,50

**IT'S ALL-OUT MADNESS**

OUR CRAZY **50%** DISCOUNTS CONTINUE

**MEMO**  
The office experts

Avenida Milio J. Croes 68A, Oranjestad, Aruba  
Tel (297) 583-MEMO, Fax (297) 588-6968, [www.memoaruba.com](http://www.memoaruba.com)

**RICIBI AWEMAINTA TUR DIA DEN BO INBOX GRATIS**

**Registra awo!**

Manda bo e-mail na [noticia@awemainta.com](mailto:noticia@awemainta.com)

**AWE Mainta**

Find us on **Facebook**

**Like**



# Fiesta di bon bini na The Mill Resort pa e delegacionnan di Weganan di Reino Policial 2011



DIABIerna anochi den un ambiente hopi ameno y caluroso, a tuma lugar na the Mill Resort e fiesta di bon bini p'e delegacionnan di varios pais den Reino cu ta na Aruba den coneccion cu e celebracion di siman di polis, como tambe pa cu e Weganan di Reino Policial 2011.

Riba e combinacion di potret por aprecia algun di e invitadonan cu tabata presente n'e fiesta aki.

## Mensahe y conseho pa tur estudiante pa e aña escolar nobo

FUNDACION Anti Droga Aruba, FADA, kier a hasi uso di e oportunidad aki pa desea tur estudiante pa e aña escolar 2011-2012 tur clase di exito. Pa esnan cu ta cuminsando e aña escolar na un scol nobo, corda cu bo ta bay ta un di esnan mas jong na e scol aki. Hopi bista ta bay ta ariba bo como potencial cliente pa e negoshi y e mundo di droga.

Ta sumamente importante pa bo por tin bo meta nan bon fiha y tambe pa ser decidido pa cumpli cu nan, apesar di tur e maldad y trampanan cu lo bo topa den bo caminda.

No lubida: E DECISION TA DEN BO MAN.

Kisas lo bo por wordo aserca dor di bo propio coleganan di klas of bo dor di bo propio amistadnan, of kisas dor di miembronan sectanan, pa asina trata na influencia bo pa hasi uzo di mari-

huana, por ehempel.

Tambe kisas nan lo por observa si bo ta pasando den problemanan familiar (divorcio di mayornan) pa asina probecha y ofrece bo e marihuana den bo dolor.

No cay pa e trampanan aki.

Marihuana ta un veneno mortal cu ta contene un porcentahe halto di e kimico THC, cu despues di tempo lo ocasiona perdida di memoria y sigur lo strobabo di finalisa bo metanan.

Di parti di FADA nos kier a desea tur estudiante un aña escolar 2011-2012 exitoso y no lubida cu semper bo por depende ariba Dios pa conseho, fortaleza, sabiduria y perseverancia.

Na e maestro- y maestronan, nos kier a desea perseverancia y forsa. FADA ta disponibel y dispuesto semper pa duna su aporte pa e bienestar y educacion di nos estudiante nan.



### Anuncio

Entrante diaranson 17 di augustus 2011  
por pasa personal of yama pa traha un cita pa ayudo di un  
trahado social of pa peticion di Bijstand

Departamento di Asunto Social ta anuncia na comunidad di Aruba cu

Entrante dialuna 15 di augustus 2011 Oficina  
Pa Comunidad Noord ta muda pa

Tanki Flip 53A (ex- de Schakel) telefon: 5870657 fax: 5874545



# MESTER DI PLACA?

## EMPEÑA Y CUMpra ORO

14 kt = AWG 40!

18 kt = AWG 50!

24 kt = AWG 68!

### SEMPER E PRIJS DI MAS HALTO!

## JUWELENHUISJE

ORARIO 10AM - 6PM DIALUNA TE DIABIERNA

ORANJESTAD WERFSTRAAT 7 LOK. 12 TEL 588 4141    SAN NICOLAS B. V/D VEEN ZEPPENFELDSTRAAT 14 TEL 584 4141

Parlamentario mr. Xiomara Ruiz-Maduro:

## Si banconan no ta fiando placa na sector priva manera mester ta, di unda lo bin inversion pa por realiza un crecimiento economico di 10%

NOS a tuma nota di e noticia den Amigoe di Aruba di 12 di augustus ultimo, cu banconan na Aruba lo baha e interes cu nan ta dunando riba e cuenta di spaar. Asina nos por constata cu RBTT lo baha e interes riba cuenta di spaar standard di 1,25 pa 1%, Banco di Caribe tambe lo baha esun di dje

di 1,75 pa 1,5% den e proximo luna nan. E otro dos banconan, Aruba Bank y CMB ainda no a anuncia si acaso nan tambe lo baha nan interes y cuanto e rebaho aki lo ta. E noticia aki sigur ta pone nos duda si di berdad nos Pais lo conoce un crecimiento economico di 10% den aña 2011 manera cu

Banco Central a anuncia y mane cu Gabinete Eman ta gaba cune den e dlanan aki. Pa stimula economia, banconan lo mester baha interes di e placa cu nan ta fia na sector priva, pa asina mas hende por fia pa por haci inversion. Pero na e momentonan aki ta pasando net lo contrario na Aruba. Enves

cu banconan ta baha e interes riba prestamo, nan ta bahando e interes riba e placa cu Pueblo ta hiba banco pa spaar. E movicion aki ta indica cu banconan no ta fiando placa na sector priva mane mester ta, locual ta stroba inversionan cu ta necesario pa logra e 10% di crecimiento economico pa nos Pais. Mester remarca cu banco su ganashi ta wordo genera dor di e diferencia di interes cu e banco ta paga na e Pueblo cu ta dune placa pa spaar y e interes cu e banco ta gana riba e mesun placa aki cu ta wordo fia na otro hende of compania. Si e banco no por fia e placa aki den forma di prestamo na sector priva, e ora e no por duna un interes halto na esnan cu ta spaar e placa na banco. Esaki ta netamente locual ta pasando na nos Pais na e momentonan aki, sector priva no ta prestando placa y esaki ta pone cu banconan ta bahando nan interes riba cuenta di spaar y na su turno Pueblo lo haya menos interes riba e placa cu e ta spaar. Asina mes cu Banco Central a kita e plafond di e prestamo cu banconan por duna, asina mes banconan no ta fiando placa mane mester ta na e sector priva cu ta e motor tras di crecimiento economico. Un factor cu sigur ta hunga un rol aki ta e subida di 'non-performance loans,' manera publica pa Banco Central den su relato di 2010, locual ta e incumplimento di pagonan riba

fianza hasi. Esey ariba su mes ta indicativo cu no tin entrada suficiente pa por cubri e pago acorda cu banconan. Esaki sigur ta debilita e banco y ta pone cu nan mester tuma medida cu ta afecta e Pueblo. Aki nos mester tene na cuenta tambe cu e problemanan cu e pagonan cu WEB mester haci na e banconan local tambe por hunga un rol cu awe e banconan tin cu baha e interes riba cuenta di spaar. Tur esaki ta pone nos duda si di berdad nos Pais lo conoce e crecimiento economico cu Gabinete Eman ta gaba cune. Paso si banco no ta presta placa, ta con lo tin inversion riba e Pais aki pa asina por realiza un crecimiento economico di 10%?

**Politie Onstpanning Vereniging Aruba**

**Ta felicita tur su miembronan polis y Cuerpo Policial di Aruba en general cu e Celebrashon di su 25 anja di existencia.**

**Alavez ta duna un caluroso bon bini na e delegashonnan di Curacao, Bonaire, Sint Maarten, Suriname y Hulanda na Aruba kendenan ta participando na e Korppolitie Koninkrijkspelen 2011 Plus.**

**Directiva di POVA, C.C.**





# Durante symposio “Jongeren van het Koninkrijk” Prome Minister Mike Eman

“Generacionnan prome cu nos a lucha pa Aruba por a bira un pais autonomo dentro di Reino”


FUNDACION “Jongeren van het Koninkrijk” ta un organisacion di hoben pa hoben te cu 35 aña cu ta enfoca riba temanan den Reino cu ta regarda nos tur. Preguntanan manera kico ta e vision cu nos tin pa cu Reino y con nos relacion cu e otro partnernan ta, tabata puntonan di discusion di e anochi aki. Diasabra Prome Minister Mike Eman tabata invitado di honor pa den un discurso duna su opinion riba e vision cu nos tin pa Reino. Hobennan cu ta forma parti di Parlamento Hubenil, di Kiwanis Circle K y varios otro interesado tabata presente pa tuma parti na e anochi interesante aki. Por a mira presencia di Luciano

Milliard di Universidad di Aruba cu tambe a duna su aporte pa a haci di e anochi aki uno exitoso. Irene Broekhuijse di e Fundacion “Jongeren van het Koninkrijk” a yama tur presente bon bini ya duna un splicacion kico e fundacion ta encera. Despues di e introduccion aki a bay over na devela e logo di e fundacion dor di Prome Minister Mike Eman compaña pa Irene Broekhuijse bou un explosion di confetti y aplauso. Den su discurso Prome Minister Eman a cuminsa na bisa e hobennan cu e anochi ta masha importante. Esaki pasobra nos no por djis sali

for di e punto di bista cu Reino tey pa semper si no tin iniciativa pa duna contenido na ne. Por pensa riba Reino den su forma constitucional of por pensa riba Reino como un cooperacion mas amplio entre varios parti di un totalidad cu ta forma Reino. Eman “Mi ta kere cu e fundacion cu awe a keda instala na Aruba realmente ta mirando Reino como un organisacion di varios pais y isla cu hunto cu Hulanda ta forma Reino Hulandes. Den e sentido aki e ta algo masha fragil. Pasobra hopi componente di Reino, cuminsando cu Hulanda mes tin factornan politico cu no ta di e entusiasmo ey di e concepto di



Reino cu e partnernan cu e tin den e parti Caribense di Reino”. Prome Minister a splica cu ta keda na nos mes y e hubentud cu ta organisando su mes pa traha hunto, cu nos por muestra y indica cu Reino manera nos conoce, cu e parti Hulandes y e parti Caribense cu e tin un motibo di existencia. Cu e tin un balor agrega y un posibilidad win-win pa ambos parti. Pa e parti Caribense y pa e parti Hulandes. Asina so nos por garantiza Reino manera nos conoce. “Den esaki Aruba ta hunga un rol masha importante”, asina Prome Minister a bisa e hobennan den e sala. “Podise boso no tin un idea con hopi hende den mundo y specialmente den Reino ta mira den direccion di Aruba como e ‘trekkende factor’ pa salba Reino. Esaki, asina Prome Minister a splica, ta pasobra Aruba ta un di e poconan den henter Reino cu na hopi diferente momento den historia conscientemente a scoge pa ta parti di Reino Hulandes y pa keda tambe den Reino. Eman “Esaki no ta pa motibo di placa. Masha hopi tempo pasa Aruba a stop di haya placa di Hulanda. E ta pa motibo di e cooperacion mas amplio cu segun nos ta ofrece estabilidad, ta percura pa nos Defensa y pa acceso na mundo cu Aruba a scoge pa keda parti y ta parti di Reino”. Eman a splica con generacionnan prome cu nos a lucha pa Aruba por a bira un pais autonomo dentro di Reino. Historia di nos Status Aparte cu na su inicio tabata wordo yama ‘Separacion’ ta muestra nos e deseo ferviente cu nos semper tabatin pa Aruba separa di Antiyas Hulandes pero pa keda semper forma parti

di Reino cu e status special cu nos tin awe. Eman a sigui bisa cu ta cu masha orguyo e por bisa cu e Arubiano y esnan cu a scoge pa biba aki tin un balance firme di emocion, nos ta orguyoso di ta un pais, di tin nos autonomia, di tin vision, nos propio himno y bandera, nos propio escudo y nos mes deseo, anhelo pa futuro di nos pais. Den esaki nos no kier wordo stroba pa ningun hende. No dor di Hulanda of otro hende. Na mes momento nos tin un capacidad masha solido pa realisa cu Aruba ta chikito y cu pa por enfrenta retonan internacional grandi, nos mester haci esaki cu un partner mas grandi. Eman “Pakico scoge e ora un partner cu nos no conoce. Pakico no scoge e ora pa un pais cu nos conoce pa mas di 200 aña. Aruba a lucha pa su status aparte cu su emocion, pero cu su huicio a lucha pa keda forma parti di Reino Hulandes. Pasobra nos ta realisa cu e miho forma pa bay dilanti ta pa tin un cooperacion amplio”. Na final di su discurso educativo y elocuente cu a haya bon acogida cerca e hobennan, Prome Minister Eman a conta nan cu TNO dentro di poco ta bin establece su mes na Aruba cu un centro educativo pasobra nos a haci esfuerso pa hay’e aki. E no a bin di mes. Durante bishita di Su Mahestad Reina Beatrix, e Comisario Europeo sr. Piebalgs tambe lo ta na Aruba. Un persona di caliber halto y Principe heredero Willem-Alexander lo habri e Green Conference riba energia alternativo cu ta tuma lugar e siman ey na fin di oktober. Asuntonan importante cu ta parti di e vision cu nos tin pa Reino.



**Aniversario  
di Aruba su Cuerpo Policial**

*Danki  
pa sirbi nos comunidad.*

cmbnv.com





## Muher Dominicana di 25 año a bay purba biaha cu bolita pero a bira malo y a fayece na cas

**DIASABRA** atardi a drenta informe di un muher di 25 año cu a fayece misteriosamente na un cas na Helfrichstraat, mesora a dirigi un patruya na e sitio. Na yegada di e patruya a bin compronde cu aki ta trata di e muher latino di fam P cu mester a biaha pa Hulanda hunto cu su ruman muher y algun mucha cu ta su yuinan. Probablemente bolita a rebenta den su stoma. E la haya hopi dolor di stoma y fayece. E curpa a wordo tuma den beslag pa investigacion mientras e ruman muher a wordo deteni pa interrogacion.



## Atrobe a captura conocido di polis cu auto horta

**DIASABRA** anochi algo pasa di 9'or, oficialnan di e brigada motorisa di polis a para un auto cu a wordo horta y a aresta e persona tras di stuur, esaki a tuma lugar poco pabao di e rotonde di Pos Chiquito, e auto tabata bayendo direccion San Nicolas. Ta trata aki di e conocido di polis Rompi Brown. Ban wak pa cuanto dia of mihor bisa ora e lo keda deteni. E tabata coriendo cu un honda civic cu a ser raporta cu nan a horte.



## Accidente basta pisa dilanti Hotel Riu cu hendenan herida

**DIADOMINGO** madruga a drenta informe di un accidente basta pisa dilanti di Hotel Riu, mesora a dirigi tanto polis como ambulans cu urgencia na e sitio. Na yegada di e patruya a bin compronde cu e dama chauffeur di un Chevrolet preto A-33191 bayendo direccion di The Mill, a perde control baha caminda dal un di e barancanan y bolter. E impacto tabata asina fuerte cu 2 amiga mas den e auto a resulta herida tambe pero e dama chauffeur ta esun cu a resulta seriamente herida y su situacion ta hopi delicado. Departamento di trafico a wordo poni na altura pa asina investiga e causa exacto di e accidente. Na yegada di ambulans nan a atende e victimanan y a transportanan pa hospital. Na e sitio polis a haya nan mes ta detene un persona cu tabata lomba sunu strobando e trabao di polis y ambulans na e sitio. Den e auto a encontra un boter grandi di biña indicando cu probablemente uso excesivo di alcohol a hunga un rol den e accidente aki.





## Pa su mesun seguridad polis a hiba chauffeur cu a pega soño den su pick-up para banda di La Roca na Moko



**DIASABRA** anochi a drenta informe di cu tabatin un persona cu tabata drumi den un auto riba caminda na Moko banda di La Roca, mesora a dirigi un patruya na e sitio. Na yegada di e patruya a bin encontra e chauffeur bastante cansa den su pick-up riba caminda, pa su mesun seguridad polis a hiba e chauffeur p'e sosega.



## Dama chauffeur a desvia pa cacho y a bay dal riba sosten di palo di lus na Nuñe



**DIASABRA** madruga a drenta informe di un accidente na Nuñe, mesora a dirigi un patruya na e sitio. Na yegada di e patruya a bin compronde cu e dama chauffeur di e Ford Edge preto A-11048 a bay desvia pa un cacho y a bay dal riba un sosten di palo di lus, aunke e impacto tabata fuerte tanto e airbag y e safety belt a evita cu e dama chofer resulta herida.

## Dama a bira malo dilanti nightclub na Tanki Leendert y a bay off



**DIASABRA** madruga a drenta informe di un dama cu lo a bay off y dal abao dilanti un nightclub na Tanki Leendert. E patruya na e sitio a solicita un ambulans pa controla e dama, na yegada di e ambulans na e sitio a atende e dama.

## Chauffeur cu tabata burachi no sa con su auto a bay riba santo blanco y chock na Eagle Beach



**DIASABRA** mainta un di nos colaboradornan a topa cu un auto cu a chock den e santo blanco na Eagle Beach, mesora el a saca su camara y a saca foto. Nos por a compronde cu e chauffeur mes no sa con bin cu su auto a bay yega te den e santo blanco na Eagle Beach.




# NOBLE

Fine Scottish Whisky

*Un whisky Escoses especial prepara cu hopi dedicacion pa perfeciona su sabor y calidad*

**Palmera Quality**

L.G. Smith Blvd. 140 Tel: 582-2122



## Henk Meijer Ex-Campeon Mundial a entrega certificado na e atletanan di Brazil Taekwondo Stichting cu a pasa nan Examen



Diasabra e atletanan cu a haci nan examen pa e siguiente color di faha, a haya nan certificado for di Henk Meijer.

For di e 18 atletanan cu a haci examen ta solamente 12 a pasa pa nan siguiente faha.

E atletanan cu a pasa pa nan strepi geel ta Jahmani Eisden y Rasheed Dowsen y pa faha geel ta Kevin Izaza.

E atleta cu a pasa pa strepi berde ta Rasheed Lowe.

Pa faha berde ta e atletanan Antonio Geerman, Jourde Klabér y Zahyon Klabér.

Pa strepi blauw ta e atletanan Jeffrey Rasmijn, Jenrique Gumbs, Alex Ridderstap y

Hakeem Lowe.

Pa strepi cora tabata Genlo Wever. E otro seis atletanan no a logra pasa

nan examen Henk Meijer a spli-canan kico tur nan no a haci bon pa asina nan bay siña esakinan mas mihor pa ora e bin bek na luna di November pa nan haci her-examen.

Algun di nan no a logra di kibra nan palo y otronan no a haci e tecnicanan cu Henk Meijer tabata kier a wak.

Esnan cu si a logra pasa nan examen tabata hopi contento di a pasa nan examen duna door di Henk Meijer.





Philippines, Asia Pacific derota cu e score di 9 - 2

# Aruba Senior League a gana su prome encuentro den e Serie Mundial di baseball na Bangor, Maine

INICIA e campeonato y demostra tur presente cu ta e titulo mundial bo a bin defende ta importante. Riba dje logra un victoria den bo prome wega ta pone e confianza crece mas aun, den un evento di e magnitud aki esaki ta crucial.

Nos muchanan di Aruba a inicia e Serie Mundial na Bangor, Maine cu clase.

Diadomingo anochi den nan prome encuentro contra di Philippines, Asia Pacific y dilanti di un publico grandisimo, e mayoria di Aruba, nos muchanan a bati un total di 9 hit, anotando no menos cu 9 careda pa asina bay cu e victoria bon mereci.

Mester bisa cu tur wowo tabata ariba e prome presentacion di e ekipo di Aruba, claro cu esaki tabata di spera, paso Aruba ta e "defending champions".

Den e prome inning, Aruba a cuminsa bon, un rally di 6 careda a pone nos muchanan den un ventaha comodo, e prome bateador Eugene Hel-

der a ricibi base por bola, e segundo bateador Raypatrick Didder un pone un toke perfecto, despues tabata Chadwick Tromp kende a dal hit pa center, empuhando Helder y Didder, e sigiente bateador Mark Danies a ricibi base por bola, riba hit di Miklos Petronia, Tromp a anota careda number tres, aki e ekipo di Philippines a cambia su pitcher.

Ainda sin out, Wilmer Imperator a ricibi base por bola, Aldair Croes, e pitcher a bati rolling pa segunda pa e prome out, pero Danies a anota careda number cuater, Marvin Brown a poncha, mientras cu Jason Gijsberthz a bati un rolling pa short, pero esaki na su turno a tira malo pa primera, aki Petronia y Imperator pa careda number cinco y seis pa Aruba.

E prome bateador Eugene Helder a bati flyout pa completa e inning.

Den sera di prome, e ekipo di Philippines a anota dos careda pa e 6 - 2, aki e pitcher di Aruba, Aldair Croes a tira basta bola,

pero despues a recupera bon cu un ponche pa completa e inning. Segundo inning, un bez mas Aruba a habri brabo cu hit di Chadwick Tromp y Mark Danies, un doblete di Miklos Petronia a empuha Chadwick pa e 7 - 2.

E siguiente Wilmer Imperator a ricibi base por bola, aki e base a yena pero ni Aldair Croes, ni Marvin Brown por a empuha un coreador na base pa e tercer out. Den sera di dos, un ponche y un dobbel play pa Philippines ta completa e inning.

Den inningnan number tres, cuater y cinco nada no a pasa, ningun di e dos equiponan no a anota careda.

Den habri di seis, Chadwick a yega base, aki Jose Luis Maduro a drenta como pinchrunner, e dos siguiente bateadornan Mark y Miklos a sali out, pero Wilmer a bati hit y empuha Jose Luis Maduro, pa haci e wega 8 - 2 pa Aruba, pero Aldair Croes a muri cu fly pa center pa completa e inning. Den sera di seis, Raypatrick

Didder ta drenta como e pitcher pa Aruba y ta haci un trabou sublime, ponchando tur tres bateador, un tras di otro.

Den habri di shete inning, Aruba anota un careda mas pa medio di Helder pa e 9 - 2, despues di un error di e segunda base di Philippines, pero mucho mas no pasa. Den sera di shete, Eugene Helder a bin releva Raypatrick, aki Eugene tambe a drenta bon ponchando tres bateador pa asina duna Aruba su prome victoria. Pa loke ta e numeritonan final, mester bisa Aruba a anota un total di 9 careda, a bati 9 hit y no a comete error, mientras cu e equipo di Philippines a anota 2 careda, nan a bati 7 hit y comete 4 error.

E pitcher ganador, Aldair Croes a bira e pitcher ganador, mientras cu e miho bateadornan tabata Raypatrick Didder 4 - 2, Chadwick Tromp 4 - 2 y Miklos Petronia 4 - 2.

Mester bisa cu Aruba a inicia e

partido den gran forma, pero despues a lanta pia for di trot, e ekipo di Philippines no a duna bataya manera desea, aki nos muchanan a bira non-chalant y no a sigui pone e presion manera den e prome inning.

Dialuna anochi pa 8'or, Aruba lo mester enfrenta e fuerte ekipo di West, kendenan tambe a logra un victoria den nan prome encuentro contra di East.

Pa esnan cu tin gana di sigui tur e partidonan di Aruba, por sintonisa e radio Jamz 107.5 cu e cometaristanan Amador Oduber, Alex Falconi y Carryl Kelly.

Di aki banda nos kier a yama un danki di curazon na tur esnan cu a contribui pa asina nos por a cubri e muchanan di Aruba Senior League aki na Bangor, Maine, muy en especial Subsidie Commisie, Lotto pa Deporte, Benjamin Security, Get Rich Lottery, Ministerio di Deporte.

Riba e combinacion di foto nos por mira algun imagen di e wega entre Aruba y Philippines.







## Cesc Fabregas ta oficialmente hungador di Barcelona

di Mar a sali di Barcelona cu 16 aña pa bay pa e club di Arsenal, pero p'e ta muestra manera tabata ayera. Sa cu tin hopi hende yena di dolor, pa bandona e club di su amor y tambe cu no ta facil bolbe na confia den un hungador cu a bay desde e club inferior. Atras el a laga un team cu a duna tur cos, Arsenal y un entrenador, Arsene Wenger, pa cual solamente tin palabra di cariño; "Si awe mi ta aki nan, gran parti ta danki na dje. No tin suficiente palabra di gradicimento. Semper mi lo tin'e den mi cabes y den mi curason", el a bisa. Su entrenador nobo, Pep Guardiola, tambe el a duna danki pa trece bek. "E tabata un siman bastante largo, un par di luna di sufrimento paso bo no sa unda bo lo hunga, y el a demostrami su confiansa den tur momento".

Awo, e mediocampista catalan

ta spera convence e tecnico cu e tin un lugar den e Barcelona actual: "Solamente por añadi algo na e team aki y mehora esaki un poco, ya mi lo bira e homber mas felis di e mundo". Cesc a train ya atardi di dialuna cu su compañero nobo nan y por debuta diaranson den e buelta di Supercopa di Spaña, den e di dos clasico di temporada. "Fisicamente mi ta hopi bon, prepara pa hunga, pero tur cos ta depende di e tecnico. Eynan ami no tin nada di bisa", el a insisti. Di e interes di Real Madrid pa cumpra esaki. "Madrid ta un gran club cu cual mi ta respeta hopi. Y semper mi lo ta gradici cu cumi nan a porta fenomenal, pero mi a bini pa Barcelona". Sin embargo, a nenga cu su eleccion ta bin debi na cuestion unicamente sentimental. "Mi no ta bin aki pa ta cu mi famia y amigo. Mi a bin pa traha y duna tur cos pa

Barcelona". Hunto cun'e tabata Jose Maria Bartomeu, vicepresidente deportivo di FC Barcelona, y Andoni Zubizarreta, secretario tecnico di e team di Barcelona. Bartomeu, a gradici e hungador e esfuerso cu a hasi pa bin, pa buta placa di su saco pa sali for di Arsenal. E traspaso di Cesc lo costa Barcelona, 29 miyon di euro fiho, mitar di esey ta wordo paga den e proximo dia nan y e otro mitar na final di september. Ademá, e club di Arsenal lo ricibi cada aña, 1 miyon di euro cu Barcelona tin Cesc den cada uno di e cinco temporada cu e hungador a wordo contrata na prome instante. Ademá, Arsenal por gana cinco miyon di euro extra den variabel: 2 miyon pa Liga, y otro miyon pa e prome titulo di Champions cu e hungador logra gana, cu a firma t'e cu 2016 y cu lo tin un clausula di salida di 200 miyon di euro.

E internacional spaño Cesc Fabregas a sigura durante su presentacion como hungador nobo di Barcelona cu triunfa den e team di Barcelona, ta e reto mas grandi den su carrera profesional. "Danki Dios, tabata tin hopi opcion, pero na final mi a tuma e caminda mas dificil pero cu mas placer. Misa cu e desafio aki ta esun mas grandi cu mi tin den mi bida. Cumi ta bay competi pa un lugar entre e mihor hungadornan di

mundo, pero mi no tin miedo. Porta tres aña pasa mi no tabata prepara pa bolbe, pero awo mi ta mentalmente prepara pa tur cos", el a bisa. Cesc lo sigui bisti e uniform number 4 cu tabata tin den Arsenal, pero cu su fam Fabregas scirbi den catalan. Na comienso, esaki tabata number pa Thiago. "Pero esaki a dunami como un gesto, paso esaki ta un number special pami", el a desvela. E hungador di Arenys



## Lionel Messi tin siete gol den cinco bishita na Santiago Bernabeu

E hungador argentino Lionel Messi, delantero di Barcelona, a score un di e golnan den e empate di 2-2 di e wega di ida di Supercopa contra Real Madrid, den cual ta añadi un gol mas den Santiago Bernabeu, e di siete cu ta score den su ultimo cinco bishita na e stadion. E futbolista, cu semper a logra al menos un gol den su cinco bishita mas reciente den e veld, tampoco a falta esaki diadomingo den su wega contra e team rival. Na e minuut 45, el a probecha un problema den e defensa di Madrid pa saca liher un foul, ricibi e bala y bati Iker Casillas den e uno contra uno. Tabata su di siete gol den su cinco weganan mas reciente den Santiago Bernabeu, unda ya a score tres e temporada pasa, un den Liga (1-1) y dos den Champions League (0-2); otro na 2009-10, den e triunfo di Liga pa 2-0, y dos mas na 2008-09, den cual a lidera e goleada di 6-2 riba Real Madrid.

## Albert Pujols ta dal un homerun record den St. Louis

ALBERT Pujols a conecta diadomingo e homerun mas largo den e seis aña di Busch Stadium, na conecta den e prome inning su di 29 homerun cu ta pone esaki como lider den Liga Nacional. E pelotero dominicano di Cardinals a dal e homerun di dos careda riba su compatriota Esmil Rogers, di Colorado Rockies. Un bataso cu a pasa mas leeuw cu e bullpen di e bishitante nan patras di left field y a yega un 465 pia leeuw. El a pasa e homerun di 452 pia cu Lance Berkman a conecta e dominicano Edinson Volquez, di Cincinnati Reds dia 5 juli. Esaki ta un ocasion nobo den cual e franchise tin e dos principal di homerun den un temporada, pues Berkman cu ta na segundo lugar cu 28 homerun empatando cu Matt Kemp di Los Angeles Dodgers.







E entrenador di Arsenal, Arsene Wenger, a bisa cu tabata su decision laga Cesc Fabregas bay pa Barcelona, pero cu e club di London lo sobrevivi e ausencia di e mediocampista si nan mantene uni. “Nos a perde un hungador di clase mundial y nos ta sinti esaki, pero Arsenal

tin hopi bon futbolista y e club lo sigui pa dilanti”, Wenger a bisa den un conferencia di prensa. Manera tabata spera, e salida di Cesc Fabregas cu a firma pa cinco temporada cu Barcelona, y e buraco cu ta laga den e team unda tabata milita durante e ultimo ocho aña y di cual tabata

## Arsene Wenger: “Nos lo sobrevivi sin Cesc”

su capitan tabata e interes di e periodista nan. Wenger a recorda cu tabata e deseo di Fabregas pa bandona e club cu a cumpra esaki ora tabata tin 16 aña, na dicit e balans na favor di su salida di Arsenal, pero el a bisa cu bida ta sigui. “Nos kier demostra cu tin e gana y e fortaleza necesario pa bay dilanti cu e situacion aki”, e tecnico a bisa. Cu a recorda cu a lucha pa mantene esaki, pero tin cu respecta e deseonan di e hungador.

“Cesc a bay paso tabata loko pa

hunga den e club di su ciudad natal, unda tabata educa. E ta hopi dificil resisti esey”, el a bisa, cu tabata su mentor durante e ultimo ocho aña nan den Arsenal. Arsene Wenger ta pidi mas unidad pa mantene e espiritu den un club cu 125 aña di existencia despues di salida di su hungador estelar y capitan desde 2008, y cual futuro ta muestra no cu gran hungador. Ademá di Fabregas, bendi pa 40 mion di euro na Barcelona, ta spera e proximo salida di e frances Samri Nasri, cu por wordo cumpra pa Manches-

ter City. Pero Arsene Wenger ta insisti cu kier pa Nasri sigui den e club y a bisa cu su situacion no ta liga na esun di Cesc. “Nos ta algo corto di hungador”, e tecnico frances a reconoce, pero a bisa cu e solucion no ta solamente gasta placa. “No ta cu ta teme gasta placa, eigenlijk mester ta mihor cu loke tin caba”, el a opina. E entrenador di Arsenal, cu ta hiba desde 1996 den e club di London, a muestra ademá comprometí cu e club aki y a sigura cu manera semper a hasi ta bay duna tur di dje.



CRISTIANO Ronaldo ta lamenta e hugada den cual tabata pusha den e area pa Victor Valdes, y a bisa cu esaki tabata un pinalty, den un accion di cual por a des-

ivel e 2-2 na final di e wega den e ida di Supercopa di Spaña contra Barcelona. “E tabata pinalty, pero tin cu respecta e decision di e arbitro nan”, Cristiano Ronaldo a

bisa. “Tabata un dolor e empate. Nos a hunga mihor cu nan y a crea mas ocasion. Por a gana. E wega di diaranson lo ta habri, pero nos tin e confiansa cu por

gana”. Iker Casillas, capitan di Real Madrid a reconoce despues di e empate di 2-2 contra Barcelona, cu ta bay cas “contento cu e wega pero disgusta pa e resultado”. “E prome parti tabata hopi bon y e wega a sirbi nos pa tuma e medida entre Real Madrid y Barcelona. Nos ta contento pa e wega pero disgusta pa e resultado”, el a bisa. “E imagen di e prome parti ta e caminda cu mester sigui. E resultado no ta bon pero tampoco definitivo”, el a aña. Javi Callejon a analisa e wega cu optimismo y pensando den e buelta di e wega den Camp Nou diaranson awor. “E tabata un wega inhuato. Den e prome parti tabata merece bay den e halftime cu e ventaha di dos gol na nos favor. Tabata dos yegada di nan y dos gol. Nos tabata sa di reacciona den di dos parti y

bay cu e empate y victoria. Awo ta keda di dos wega cu nos kier gana”, el a bisa. “A wak cu desde e prome minuut a tuma e bala, nos a bay pa nan y nos a cuminsa gana riba nan wega. Nos tabata merece hopi mas pero e empate no ta nada malo y nos ta bay eynan cu tur e ilusion di mundo pa gana”, el a conclui. E medio-campista Xabi Alonso, hungador di Real Madrid, no por a sconde su decepcion pa e empate, cosecha contra Barcelona, aunke a destaca cu e sensacion laga pa e team di Madrid ta positivo. “Nos a hunga un tremendo wega, aunke nos a drenta haltime cu e sensacion cu e resultado por tabata mihor, pero nos a sali bon den di dos parti y ora nos a score nos a sigui busca e gol. No ta e mihor resultado, pero ta e sensacion ta esun positivo”, Alonso a declara.

## Novak Djokovic: “Mi ta hende, sin duda”

E number uno di mundo, e serbio Novak Djokovic, ta feliz despues di a conquista e Masters 1000 di Montreal y di logra e record di cinco titulo di e nivel ey den un solo aña. Su rival den e final, e mericano Mardy Fish, a admiti cu tabata tin chens, pero no tabata por cu e rey. E serbio di 24 aña, a pone un record nobo den

e historico 2011. Djokovic ta e campeon di e Australian Open y di Wimbledon e aña aki y ta hiba un record di 29-0 den hardcourt y di 53-1 en general. E imitador di su coleganan tambe a gana e torneo di Toronto na 2007. Pero e triunfo aki ta hopi special, den su buelta na circuito despues di conquista e Wimbledon y yega

na top di e ranking di ATP. “Mi ta hende, esey por sigura sin duda”, Djokovic a bisa. “Mi ta kere cu ta trata solamente di tin un actitud positivo den e cancha tur dia, lanta tur dia y kier ta mihor, kier gana, ta dicidido siendo profesional”, el a admiti. “Esey ta e deseo y e motivacion cu ta mantene mi mes canando.

Cada wega cu hunga, mi ta trata di gana sin importa ki wega e ta sin sa ken ta na otro banda di veld”, el a agrega. “Mi ta haciendo historia, por supuesto cu esaki ta special pa ami. E ta un honor y un privilegio ta parti di e historia di e deporte cumi stima y ta hunga desde chikito”, Djokovic a comenta. “Prome cu e final tabata tin un poco di nervio. Tabata tin tension. Tabata un wega duro y mi tabata sa di hunga esaki bon. Tabata un lucha mental y por a





# Michael Schumacher lo sigui den 2012

E piloto aleman Michael Schumacher, siete biaha campeon mundial di Formula Uno, a confirma den un acto di Mercedes na Alemania, cu tin pensa sigui den 2012 cu e team aleman apesar di e rumornan cu ta bisa e lo retira na final di año. “Mi lo sigui core otro año, esey ta definitivo”, Schumacher a insisti, di 42 año. Cu a retira prome biaha biaha na 2006 y despues a bin bek na competencia na 2010 cu un contract di tres año cu Mercedes. Schumacher, actualmente number 10 den e Mundial, na 202 punto di e lider, su compatriota Sebastian Vettel, ta considera masha tiki pensa cu su team por lucha pa e titulo e año aki y ta mustura realistico acerca di su posibilidad pa 2012. “E año aki ya ta dimas leeuw”, el a indica. “Y e objetivo pa e proximo lo ta logra e lugar di podium”, algo cu t’e ainda no a logra e temporada aki. “Nos mester un poco mas di tempo pa ta ariba”, el a bisa.



# Chicago Cubs ta para Dan Uggla su racha



CHICAGO Cubs ta para diadomingo e racha di hit di 33 wega di Dan Uggla y ta recupera di un desventaja di cuatro careda pa gana cu score di 6-5 riba Atlanta Braves. Braves tabata gana 4-0 den di cinco inning y pa 5-4 den di seis inning, prome cu e homerun di dos careda di e dominicano Carlos Peña den di siete inning. E racha di Uggla tabata esun mas largo di Grandes Ligas den e ultimo cinco año. El a bay di 3-0 cu un careda impulsa. Su mihor oportunidad di sigui su racha a yega den di cinco inning. E segundo base Darwin Barney a bula pa catch e bala di Uggla den right field. Uggla a dal

un roling pa shortstop contra Jeff Samardzija den di siete inning den su ultimo turno na bat. No a parece den di nueve inning, ora e dominicano Carlos Marmol a logra su di 28 wega salba. Atlanta a logra e ventaha di 5-4 den di seis inning ora Jason Heyward a dal un single contra John Grabow (3-0), a roba e segunda base y anota despues di un lansamento descontrola di Grabow na primera cu un roletaso di e venesolano Alex Gonzalez. Cubs a contesta den di siete inning ora Darwin Barney a dal un single y a anota despues di e di 23 homerun di Peña pa right field contra Eric O’Flaherty.



# Freddy Garcia lo bolbe na tira pronto

E pitcher venesolano Freddy Garcia no a splica con el a lesiona su dede banda drechi den un accidente di cushina, pero e corta chikito cerca di su huña mester sana prome cu bolbe na tira cu New York Yankees. “Un par di dia, posiblemente”, Garcia a bisa. E wega di diadomingo entre Yankees y Tampa Bay Rays tabata

cancela pa yobida y t’e ainda no a menciona e fecha cual lo wordo hunga. Lo ta programa como un double header ora Tampa Bay regresa Yankee Stadium dia 20 pa 22 di september. Garcia tabata tin cu tira diadomingo. Sin embargo, Yankees a informa diasabra cu su proximo salida a wordo hala pa problema cu

tabata tin na cas na comienso di e fin di siman.

E pitcher a bisa cu esaki a pasa como cinco dia pasa. Despues di e incidente, e tabata sinti bon den un sesion den bullpen, pero despues tabata tin problema pa tira recta cu e bala entre dos dede. “Mi no por hunga sin hasi

mi mihor lansamento”, el a indica. E manager di Yankees, Joe Girardi, ta considera innecesario pone Garcia den e lista di lesionado, cu tin un record di 10-7 cu un ERA di 3.16. Girardi a expresa e speranza cu e pitcher por habri na Minnesota e fin di siman awor. “Mi no ta kere cu e ta algo serio”, Girardi a bisa.





## Den sector turistico

# Extranhero apenas un luna na Aruba ta traha como waiter, bartender, koki

TIN un discrepancia grandi den suministro di informacion relaciona cu e mercado laboral y turismo en general na Aruba. Esnan cu ta traha den seno turistico cada biaha ta haci miembronan di prensa pregunta encuanto publicacionnan cu gobierno y cierto gremionan cada pasa tanto dia of siman ta bin cune, pasobra ora cu ta papia cu turismo a aumenta y cu e situacion general den turismo ta mihor compara cu añanan anterior, esnan cu ta traha den turismo no ta wak esey. Taxistanan, tour operatornan, bartender, waiter, esnan den watersport etc etc, no ta wak tanto movicion riba nan tereno di trabao, cu nan por bisa cu enberdad e situacion ta mihor cu añanan anterior y si esnan cu ta traha directamente cu turista bisa bo cu cos ta malo, anto mester kere nan!

Recientemente Oficina di Turismo a laga sa cu e situacion di turismo e aña aki na luna di Juni y Juli tabata mihor compara cu otro añanan anto awor esnan cu ta traha den turismo, cu no ta wak placa ta drenta y cada dia nan venta en general ta baha so, ta puntra Oficina di Turismo hunto cu gobiero y Banco Central cu tambe a bisa cu e economia a crece of lo bay crece total cu 10% , ta unda esnan cu a bin Aruba pa

gasta placa a keda scondi? Mester tin un lugar caminda tur e hendenan aki ta scondi pasobra riba e mercado local hende no ta wak, ta di unda sali cu e situacion ta bon of mihor cu añanan anterior.

Tabata tin trahador den seno turistico tabata puntra nan mes, si ta posibel cu tin un of otro Resort riba e isla aki cu ta ricibi turistanan den scondi y cu tur cos ta keda masha discreto mes te dia e turistanan ey bandona e isla?

No mucho dia pasa gobiernu a anuncia cu masha fanfaria cu e departamento nobo pa asuntonan di trabao, lo bay percura pa esnan local yega na remarke pa haya trabao prome cu busca of permiti hende di exterior.

Masha bunita tur e bunita promesanan ey ta, pero basa riba peticion di esnan cu ta traha den seno turistico, nos a haci un recorrido chiquito pa asina nos mes wak y haya sa djis un tiki kico ta come y bebe riba tereno laboral den area di beach banda di hotel.

Wel señores, tin hende ta gusta desgaba nan mesun pueblo of desacredita hende local pa asina otro haya oportunidad y bisa cu arubiano ta floho y no kier traha, siendo cu esaki ta nada otro cu un mentira

flagrante.

Nos mes por a constata cu ta berdad cu esnan cu mas ta saca probecho di placa cu ta circula den e industria di turismo, no ta nos hendenan local!!

Con por ta posibel cu extranheronan cu a caba di yega for di diferente pais manera, Merca, Canada, y Europa den algun dia ya caba ta trahando como waiter, koki, bartender etc?

Cu tanto hende local sin trabao y tin hende cu a wordo manda cas pa algun siman, si no algun luna te ora cu cos drecha den turismo, anto tin hende di exterior cu apenas algun dia na Aruba ta traha abiertamente den servicio cu turista?!

Aki ta unda cu sindicatonan, cu ultimo tempo ta tanto den dialogo social cu gobiernu, ta perde tur tipo di credibilidad pasobra ta cu ki cara bo ta bay sinta den cualkier tipo di dialogo cu gobiernu, siendo cu bo mesun trahadornan ta wordo hala un banda pa laga otronan di exterior tuma over nan trabao y casi sigur mayoria di nan no por tin permit pa trabao.

Ta imposibel pa gobiernu bay bisa mayan cu tur e hendenan aki a bin pa motibo di un of otro expertisio cu no tin aki.

Bartender, waiter, koki etc etc no ta expertisio cu no tin disponibel na Aruba paso-

bra Aruba tin tipo di trahadornan asina cu mucho mas experiencia cu cualkier otro cu ta bin di exterior y ken por bende y promociona su mesun isla mihor cu un trahador arubiano?

Tin lugarnan di horeca den area di beach cu no tin ni un solo hende local ta traha anto esaki ta e forma cu gobiernu kier bisa cu nan a bin pa cambia e situacion riba mercado laboral?

Esey ta loke cu trahadornan arubiano ta puntra nan mes y by the way como hende local bo no ta wordo trata como cliente mescos cu turista pasobra tin lugar unda cu bo ta wordo mira cu mal cara y si bo no tene cuidao, bo ta warda mas cu mey ora prome cu bo wordo sirbi.

Tambe bo ta haya di tende prome cu bo a pidi algo, cu e prijsnan ta halto y cu por ehempel un cerbes ta costa tanto dollar, sin cu abo mes a puntra pa e prijs pasobra ta un bebida bo a pidi, pero di antemano bo ta wordo balota.

Aki no ta trata di informacionnan cu otronan a suministra pa metanan politico of cualkier otro meta cu no ta cuadra cu e realidad; esaki ta loke cu nos mes por a constata door di haci e trabao periodistico on the field.

# Aruba Music Explosion lo duna realse na aruba su promocion den exterior

## 3 dia di concierto presenta pa S&E Enterprise

NA luna di september Aruba lo ta sede di un magno evento yama Aruba Music Explosion. Siman pasa e organisadornan esta S&E Enterprise a tene un rueda di prensa pa asina introduci e concepto di e evento aki cual lo tuma lugar den Piedra Plat Entertainment Center dianan 22, 23, y 24 di September 2011. Un Piedra Plat Entertainment Center cu lo wordo transforma pa asina brinda e evento di calidad.

Algun luna atras S&E Enterprise a aserca diferente companianan pa presenta nan idea y nan concepto pa asina aki por wak si nan lo por haya algun patrocinador. Cu exito nan a logra haya aporte di Gobierno di Aruba, Aruba Tourism Authority, Aruba Airport Authority como tambe di De Palm Tours kendenan a yega na un acuerdo pa ta e 4 patrocinadornan.

Riba diahuebs 22 di september lo presenta Michael Bolton y Air Supply. Diabierna 23 di september lo tin presentacion di e cantantenan Gilberto Santa Rosa y Olga Tañon. y riba diasabra 24 di september lo presenta Luis Fonsi, Servando y Florentino y Felipe Pelaez.

Un evento cu tanto artistanan renombra internacional.

Aruba Tourism Authority a dicidi pa aporta na e evento aki mirando cu e mercado di Latino America ta un mercado creciente y alabes mirando cu luna di septmeber ta un luna cu ta cai den 'low season'.

Aruba Music Explosion lo trece oportunidad pa yena cambernan di hotel y alabes treciendo mas bishitante pa Aruba. Meritonan pa e inversion aki ta basa entre

otro riba e hecho cu e evento ta enfoca primordialmente riba e mercado di Venezuela, cu ta e mercado cu e "average daily expenditure" mas halto pa Aruba, pues e bishitantenan ta gasta promedio pa dia mas cu tur otro bishitantenan di otro mercadonan.

Tambe e renombre di esnan cu ta forma parti di S&E Enterprise ta duna e confiansa cu e evento lo ta uno di calidad y cu e organizacion por logra atrae bishitante den e mercado. E demanda pa un evento asina tey tambe den e mercado y pues por capitalisa di esaki.

ATA ta un sponsor y como sponsor ta sera un contract cu e compania aki pa sigura cu meta nan pa cual ATA ta dicidi di sponsor ta cubri den un contract asina. Derecho y obligacionnan di ambos partido ta inclui

den un documento asina cu ta bin di parti di ATA, cu por sierto ta basta estricto.

Lo evalua e evento mirando e resultadonan despues cu e evento a tuma lugar pa determina si e inversion a "pay off".

Pa ATA ta importante pa inversionnan conduci na mas turista y turistanan di un sierto 'calidad' cu ta conduci na su turno na mas ingreso pa nos isla/den nos economia! Esaki lo ta parti di e evaluacion, manera ta e caso cu otro evento nan tambe cu ATA ta patrocina.

Pa mas informacion di e artistanan y di e conciertonan general, por subi e website [www.arubamusicexplosion.com](http://www.arubamusicexplosion.com). Oficina di S&E Enterprise ta ubica na Aruba, na Paseo Herencia y tambe tin un oficina na Caracas.



# Kooyman cu exitoso workshop den fin di siman



DIASABRA mainta, Kooyman tabata tin otro exitoso Kidsworkshop. E muchanan por a registra online of tambe por a pasa personalmente y registra. Tur esnan presente a pasa un rato ameno cu trahamento di nan mini tool box, hunto cu nan mayornan.

Kooyman ta kere cu ta hopi importante pa gradici y duna e pueblo algo bek den tene e tipo di actividad nan aki.



# Gillian Berry ta cla pa Miss Universe

## Miss Aruba 2011: Un concepto nobo



DEN e ultimo dianan tin hopi comentario y hopi speculation den nos comunidad, si e aña aki lo tin e certamen di Miss Aruba. Un certamen cu pa Aruba ta di hopi importancia, pa motibo cu den e certamen aki Aruba ta conoce su embahadora cu lo carga cu hopi orguyo pa 1 aña largo e corona.

Un titulo cu hopi damas entre e edad di 18 pa 25 ta desea di carga. E ta un oportunidad pa tanto e ganadora como e otro participantenan habri porta den cualkier ramo cu nan lo ta desea.

Sea cu ta den farandula of ora di aplica pa trabou ta excelente pa agrega esaki den un C.V, pasobra tur hende sa cu un participante di Miss Aruba

tin e disciplina, etiquette y ambicion pa cualkier reto cu e ta propone su mes.

Star Promotion e non-profit organization cu ta e motor tras di e certamen di beyesa aki, ta traha cu 100% dedicacion aña den y aña afor pa asina por trece e certamen aki riba pia, cual no ta uno facil pa por hinca den otro.

Siguramente un parti cu nos no lo por laga afo cual ta di gran importancia, tur e voluntarionan cu a duna nan tempo liber na e organizacion y tur e companianan priva cu den e trayectoria di Star Promotion desde 1992 a aporta cu e certamen pa asina por tin un anochi di gala pa elegi nos embahadora Miss Aruba, y tambe

pa asina financieramente por cubri tur e gastonan pa manda nos Miss Aruba internacionalmente pa representa e baranca chikito aki cu nos tur ta stima... Aruba.

E rol di Miss Aruba den un certamen no ta solamente pa ta representabel, pos-

tura of sa

di contesta inteligentemente. E meta primordial di e candidata ta pa promove Aruba y pa pone Aruba den un focus na unda cu e lo trece interes na paisnan cu porta nunca a yega di scucha di Aruba. Den 2011 e certamen lo haya un revamp na unda Star Promotion lo conoce un new look y un concepto nobo. E concepto nobo akinan ta uno cu beneficio pa tur e participantenan di e certamen y naturalmente pa Aruba. E maneho di e certamen di Miss

Aruba lo conoce caranan nobo, cada un den nan respectivo area di experticio pa asina mantene y sigur logra y hiba e certamen riba e otro nivel.

Keda pendiente pa conoce e team aki cu lo wordo anuncia na final di luna pero mientras tanto cualkier dama cu ta desea di participa y nan ta entre e edad di 18 pa 25 aña y cu tin gana di expande su mes participando den varios workshops, pa participa den e certamen nacional di Miss Aruba cu lo bay tuma lugar cuminsamento di December por manda un e-mail na [missaruba@setarnet.aw](mailto:missaruba@setarnet.aw) of subi riba facebook Miss Aruba y manda un mensahe of

por yama 592-6926 pa mas informacion.



## NOS TA REGALABO UN CELULAR

Si bo tip conduci na un articulo exclusivo den AWEMainta Potret saca cu camara of celular tambe ta participa

# TIPLINE

sms: 733 -TIPS, hotline: 733-8477  
of email: [tips@awemainta.com](mailto:tips@awemainta.com)



## Digicel

E Red Mas Grandi y Mihor.







Guyabastraat 4, Dakota Tel: 582 4748



Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

*"Señor ta mi wardador pues mi no tin falta di nada;  
Den cunucu di yerba berde, E ta ponemi sosega  
E ta hibami na awa tranquil, pa mi bolbe haña forza"  
Salmo 23:1*

Cu honda pena, pero conforme cu boluntad di Dios nos ta  
anuncia fayecimento inespera di:



### **Sra. Viuda Petronilia Heide Petrochi**

Mihor conici como: "Petra" na edad di 89 aña

Na nomber di su juinan:

Hern y Stella Heide -Gomez y yiuinan  
Ronny y Lidia Heide-Kelly  
Paul Heide y yuinan  
Yolanda y Peter Kelkboom  
Edwin Heide  
Sandra Heide

Tur su nieto y nietanan na Aruba, Hulanda y Colombia

Bisanieto y bisanietanan, Sobrino y sobrinanan, Primo y  
primanan.

Cuña: Angela Maduro-Heide

Mescos cu yiuinan: Fечи y Nelda Ras  
Yraida Chiquito  
Miriam Ospina

Bisiñanan y conocirnan

Amiga y amigonan di grupo Bini Bini

Comer y compernan, hijanan

Ayudantenan: Luisa, Rocio y Dora

Broeder: O'neil Romero

Amigo di cas : Bolan Flanegin

Demas famia: Heide, Petrochi, Gomez, Kelly, Henriquez,  
Kelkboom, Ospina, Breton Von Groll, Tromp, Semerel,  
Dijkhoff, Franken, Croes, Maduro, Giel.

Nos disculpa si nos por a lubida un of otro famia den nos  
tristeza.

Acto di entierio lo tuma lugar Diaranson 17 Augustus 2011,  
for di 9'or pa 11'or di mainta na Misa Santa Anna na Noord  
y despues pa Santana Catholico na Noord.

Oportunidad pa condoleer :  
Diamars 16 Augustus 2011  
7'or pa 9'or pm.

Aurora Funeral Home, cumana # 76

# **AWE Mainta**

*e corant di Toko*  
**Tel: 583-1400 Fax: 583-1444**

### **Gradicimento/Invitacion**

Nos gradicimento ta bai na tur famia, bisiña y conocirnan cu a  
duna nos atencion, sosten y forsa durante e dianan di enferme-  
dad, fayecimento y entierio di nos difunto stima :

### **Sra Veronica Croes-de Cuba**

(mihor conoci como Eve )

Un danki special na tur cu a manda flor ,donacion , telegram ,  
caarchi, e-mail, sms y jamadanan telefonico.

Un danki di curazon na Edmund Harms Foundation y su  
emfermeronan Marietje, Marlene, Arelys y Rowald jr, cu a duna  
tanto dedicacion na nos Mama, nunca nos lo lubida esey. Tambe  
un palabra di danki pa sra Anna pa kende nada tawata di  
mas. Danki tambe na Dr Jaime Falconi , Dr Eddy Falconi , Dr  
Steve/Cabenda y Dr Johnny Van der Linde.  
Nos reconocimento tambe ta bay na e sublime trabou cu Antoine  
Rodriguez y su staff di Ad Patres a desplega.

Boso sosten y cariño ta significa hopi pa nos.

Alavez nos kier a invita pa 2 Santo Sacrificio di Misa:

Diahuebes 18 Augustus pa

7.00pm na misa Sagrado Curazon na Savaneta.

Diasabra 20 Augustus pa

7.00pm na Misa Sagrado Curazon na Savaneta.

Diasabra 20 Augustus despues di misa lo tin unresamento di un  
santo rosario na cas di nos Mama Savaneta 33A

Na nomber di su esposo Shontan y jiuinan.



**AD PATRES**  
funeral home

Van Rensselaersstraat 2  
Tel. 842299 - 934344  
Family owned and operated



Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

*"Pasobra Dios a stima mundo asina tantu, ku El a duna su  
yiu unigénito pa ken cu kere den dje no bai pérdi ma tin bida  
eterno"*

Cu honda pena, pero conforme cu boluntad di Dios nos ta  
anuncia fayecimento di:



### **Sr. Karel Enrique Trappenberg**

Mihor conoci como: "Pachi"

\* 23-01-1924 † 15-08-2011

Ta invita pa acto di entierio cu lo tuma lugar Dialuna 22 di  
Augustus, 2011 di 2'or pa 4'or na Aurora Funeral Home  
despues saliendo pa santana na Sabana Basora.

Adres pa Condolencia: Aurora Funeral Home  
Diasabra 20 di Augustus, 2011  
di 7:00 - 9:00 pm

Despues di entierio nos no por risibi bishita di condolencia  
na cas.



Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

*Señor ta mi wardador , mi n' tin falta di nada:  
Den cunucu di yerba berde, e ta pone mi  
Sosega. E ta hiba mi na fuente di awa fresco, Pa  
Mi bolbe haya forsa. Psalmo 23.1*

Cu honda pena pero conforme cu boluntad di Dios anuncia  
cu a fayece cristianamente:



### **Sr. Laureano Donata**

\*04-07-1927 † 15-08-2011

Acto di entierio lo wordo anuncia despues



Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

### **Gradicimento y Invitacion**

Señora, jiuinan, nieto y bisanietonan y henter famia ta  
gradici tur cu un of otro manera a muestra atencion y cariño  
durante bida di nos ser keri stima:



### **Octaviano Franken**

Mihor conoci como : "Bano"

Danki pa compañía nos na su despedida

Danki pa tur oracion, bishita y mensaje

Danki na Max Hassel pa compañía nos cu su canticanan  
Un danki grandi na Aurora Funeral Home pa su bunita  
servicio

Un danki di curason na bisiñanan y amigonan pa tur e  
sosten dedica na nos famia.

Alavez nos ta invita pa compañía nos durante tres Santo  
Sacrificio di Misa La Birgen di Fatima na Dakota  
pa descanso di alma di Papa Bano:

Dialuna 15 di Augustus pa 7'or di anochi  
Diabierna 19 di Augustus pa 7'or di anochi  
Diasabra 20 di Augustus pa 7'or di anochi

Despues di ultimo misa Diasabra 20 di augustus, lo tin un  
rosario na Caya Juancho Kock # 18





**SETAR N.V.**  
ta anuncia fayecimento di

*Magda Gregoria Everon*

Mama di nos colega  
*Angelie Everon*  
Trahando den nos departamento  
di Call Center

Gerencia, Staf y Personal di SETAR N.V. ta  
extende palabranan di condolencia  
na Angelie y demas famia.



Cumana 76  
Oranjestad, Aruba  
Tel: 588-6699  
Fax: 588-6698  
Cel: 593-0857 / 560-1403

*Me toca a mi hoy emprender la retirada  
debo alejarme de mi buena muchachada.  
Adiós, muchachos, ya me voy y me resigno,  
contra el destino nadie la talla.  
Se terminaron para mí todas las farras.  
Mi cuerpo enfermo no resiste más.  
Tango canta pa Carlos Gardel  
Composicion 1927 Julio Cesar Sanders*

A fayese cristianamente na edad di 85 año



**Angel Botta**  
\*Buenos Aires Argentina 12 di december 1925  
† Oranjestad Aruba 15 di augustus 2011  
Papa/ Padu a bai descansa

**Yiunan**  
Gina Botta y Dirk Jan Boerwinkel  
Riri Botta Y Melvin Massari  
Omira Botta y Peter Schuit

**Nietonan**  
Lola, Gytha y Malu Boerwinkel  
D'Angelo y Deandra Arends  
Stephan, Nathan y Inebelle Frank

**Rumanan**  
Nene ...- Botta y famia  
Chichita Godoy- Botta y famia

Famianan na Aruba, Argentina y Hulanda, fiel amigonan,  
compañeronan di futbol, trahadornan di El Gaucho  
Parrillada Argentina, demasiado pa menciona ta invita pa  
asisti na e acto di entierro cual dia y ora lo wordo anuncia  
despues.

# Muchanan baldadi a kibra glas na oficina di Elmar


**DIADOMINGO** 10'or di mainta Central a manda polis na Hato pa problema cu muchanan baldadi. Na yegada polis a papia cu e guardia G.W di 40 año, kende a bisa polis cu e muchanan tabata tira piedra riba e porta di e oficina di guardia y a kibra e glas. El a bisa polis cu un di e muchanan tabata riba a bicicleta y nan ta color scur entre 14 pa 15 año. Polis a busca den bisindario di Hato pero no a topa cu e muchanan.



**Mementomori Funeral Home N.V.**  
Yolanda - Leo - Eugene  
Tel: 5833358 - Fax: 5837711

*"Señor ta mi wardador, mi n' tin falta di nada;  
Den cunucu di yerba berde, E ta ponemi sosega.  
E ta hibami na awa tranquil, pa mi bolbe haña forsa. "  
Ps. 23:1,2,3*

Cu inmenso tristeza na nos curazon, nos ta participa fayecimento di:



**Andres Cinencio Orman**  
\* 21 Jan.1928 - + 14 Aug.2011

Na number di su:

yiunan: Felix y esposa Yuk Lan Tang-Orman  
Gladys y esposo Rinus Vos-Orman  
Amy Orman

nieta y nietonan: Winny Orman-Ben Ali  
Imad Bem Ali  
Naquai Ben Ali  
Gladys Leila Vos  
Leandro Vos

ruman Sabina Marchena y famia:

cuña: Johanna Orman-Maduro

sobrino y sobrinanan: Violeta Ormany famia  
Mario y Yolanda Orman y  
famia

Steven y yiunan na Hulanda  
Freddy y Adela y yuinan  
Marcelo y yiunan  
Reyes y yiu  
Wilfrido Allie y famia

primo y primanan: mama di su yiunan: Macaria Quant

famia: Orman, Scharbaay, Maduro, Pieters, Sambo, Kelly,  
Martha, File, Tromp, Werleman, Cornelia, Quandus, Eckmeyer,  
Picus, Danies, Garrido, Marchena, Batista, Morales, Today,  
Semeleer, van Dijk, Quant, Pourrier, Vrolijk  
Dia y ora di entierro lo wordo anuncia despues.

Nos ta lamenta cu despues di entierro nos no por ricibi bishita di condolencia na cas.

Nos kier a pidi nos disculpa si nos por a lubida un of otro famia den nos tristeza.

## Homber a perde celular durante pelea

**DIADOMINGO** polis a bay na Balashi Gardens caminda un persona a perde su celular. Na yegada polis a papia cu e homber A.S.K kende a bisa polis cu el a bay na un fiesta di bruid di su amigo, ora cu a cuminsa un bringamento y durante e pelea el a perde su celular. Tur hende tabata fuertemente bou di influencia di alcohol. Polis a conseha A p'e bay cas y den oranan di mainta e bay busca su celular.

## Homber a corta waya for di palo di luz

**DIADOMINGO** polis a bay na altura di e veld di bala di Universal caminda un persona tabata cortando waya di koper for di un palo di luz. Na yegada polis a mira un homber tabata cana cu un sker di corta waya y tambe e tabatin waya di coriente den su man. E tabata bayendo zuid banda di e rotonde. Polis a papia cune y el a bisa cu el a corta un pida waya for di tera cu tabata na e palo cu ta wanta e palo di luz. El a bay cu polis na e sitio y a resulta cu el a corta 1.20 meter di waya di coriente.



# DRAGON

## CD & ELECTRONICS

Mainstreet San Nicolas Tel. 584-3999  
open 9.00 - 13.00 and 14.30 - 18.30

Sales, repair and accessories for all blackberry models and other cellualars





Blackberry 8520  
Special price Afl. 429.00 Unlock, reload, reset, numbers phone  
Red, white, purple, black upgrade, replace lcd, for senior citizens  
Free update keypad, speaker etc...

MIO-USB internet modem  
for di Afl. 99.00  
free activation-free  
modem

"Blu" Big  
Special price Afl. 429.00 Unlock, reload, reset, numbers phone  
Red, white, purple, black upgrade, replace lcd, for senior citizens  
Free update keypad, speaker etc...

Special: trade your old battery in for new same model and receive 20% discount.

Also repairs of iphone, Nintendo ds, playstation, Xbox 360, Wii, psp etc...

# Vakantie

Awg.50  
Pa siman



**Computer Les**  
pa Mucha  
Niveau 1-2-3  
Mainta /Atardi  
arubatraining@yahoo.com  
Tel.5837625

\*Word \*PowerPoint  
Pa traha spreekbeurt  
\*Vinger vlog type

TA CUMINSA JULI 11

# "PINOCCHIO"

Kerkstraat #16 - Tel: 582-2266

Bo yui a bai over?



Schommelset  
10% di  
descuento

Tempo limita !!!

Bicicleta  
15% di  
descuento



Kerkstraat 16 - Tel: 582-2266 - Cel: 564-1977

## Resultado di Loteria

LOTTO CATOCHI		ZODIAC	
2:30	9:00	2:30	2287 Virgo
7402	1352	9:00	8225 Geminis
4070	2563	<b>BIG FOUR</b>	
9770	1071	2:30	9720
		9:00	1641

**LOTTO DI DIA** 28-07-15-06-03

DIARIO	SUPER FOUR
6677	4617
2806	
9246	

**LOTTO PA DEPORTE**

## TA BUSCA

Codemsa N.V.  
Ta Busca  
Un Carpinte/  
all around Helper  
Pasa Aplica na  
Cumana 69  
Yama #582-2235

## TA BUSCA

Shear Genius Hair  
Sensation  
ta busca  
Dos pelugueronan  
(Estilista)  
llama 740-8449  
entre 9.00 - 12.00h y  
14.00 - 16.00h

## QuickBooks

Administratie in het Praktijk

☐ A/P ☐ A/R ☐ Journal Entries ☐ Monthly reports  
☐ Bank Reconciliation ☐ Tax Payables ☐ Year end

Requirement: QuickBooks Beginners Certificate ver 2007\*up  
Day: Thursdays Time: 7pm till 9.30pm  
Cost: AWG. 450 Duration: 5 weeks Begins on June 2  
Tel.5837625 Sra. Lynn

## Hair Studio

OFERTA DI LUNA  
FACIAL ...AFL 55  
BODY MASSAGE ...AFL 75  
Oil Treatment - Free  
MANICURE & PEDICURE ...AFL 50

Dakota Shopping Paradise - Avenida Milo Croes 51, Suite 16  
Tels. 582 6051 / 594 4982

## Aruba Limpi

...pa un cura limpi limpi

- Chapi
- Corta mata
- Fumiga contra plaga di mata
- Mantenshon semanal / mensual

Pa servicio;  
Cell: 738-7943

## E.H. ALUMINIUM EXPERT

PORTA, BENTANA, HEKWERK  
PA CAS Y PA NEGOSHI, INSTALACION  
DI GLAS Y REPARACION GENERAL

**Nos ta cumpli sigur !**

Contact:  
Ermelyne Hoevertsz  
Seroe Patrishi 14D  
Tel: 736-1800 Fax: 583-0960  
email: aluminium.expert@gmail.com  
www.ehaluminiumexpert.com

## Quality

MOVING & TRANSPORT  
cell: 594-1550 / 594-1826

Muda sin dolor di cabez.  
Esta facil. Moving is hard.  
Let us do it for you

We are small, but we can handle them all!!

## Servicio pa Comunidad

### Telefon di Emergencia

Number di emergencia	911
Polis	100
Brandweer	582-1108
Ambulance O'stad	582-1234
Ambulance S.N.	584-5050
Hospital	587-4300
Centro Medico	524- 8833

### Botica na Warda

Pabou di Brug: Botica  
Pariba di Brug: Botica

### Dokter na Warda

Pabou di Brug: dr. Cayama  
Pariba di Brug: dr. Luchmun

### Otro Servicionan

Setar Info	118
Digicel Info	145
Setar	582-5151
Elmar	582-3700
WEB	525-4600
Serlimar	584-5080
Rode Kruis Aruba	582-2219
FADA	583-2999
AA/NA helpline	583-8989
Fund. Abuso Sexual	582-4433
Fundacion Guia'mi	587-1677
Fund. Muher	
den Dificultad	583-5400
Fund. Tel. Pa Hubentud	131
	588-6138
Accion Rescate	584-2718
Centro Kibrahacha	588-3131

### Polis

Polis Tipline	11141
Oranjestad.	582-4000
San Nicolas	584-5000
Savaneta	584-7000
Santa Cruz	527-2900
Noord	587-0009
Strandpolitie	586-3003
Balashi	585-2500
Aeropuerto	524-2424
Aruba Transfer Tour & Taxi	
	583-2856
	582-2116
Best Taxi Services	588-3232
Coop. Ver. Tas	587-5900
ATS	583-5361
Arugas	585-1198
S.O.S. Teleayudo	583-1190

**EDITA PA:** The Media Group,  
Margrietstraat 3, Oranjestad, Aruba,  
tel.(297) 583-1400, fax. (297) 5831444,  
**E-mail:** noticia@awemainta.com.  
**CUENTA DI BANCO:** C.M.B. #229-  
82600.  
**ABONEMENT** Afl.25,00 pa luna.  
**ORA DI OFICINA:** Dialuna pa Diabierna  
8 a.m. - 5 p.m.  
**IMPRENTA:** Imprenta Nacional Arubano.  
**DIRECTOR:** Victor "Toko" Winklaar &  
Victor R. Winklaar  
**REDACCION:** noticia@awemainta.com.  
**BENTA DI AVISO:**  
sales@awemainta.com



# PERDE 10 KG PA LUNA

- Bo no por baja di peso?
- Bo ta dispuesto pa cambia bo bida ?
- Anto purba e tratamieto di Dr. Lampe
- Sin cirujia sin hanguja
- Baja 10 kg pa luna

GARANTISA

Stadionweg 16 • Tel:588-0084 • Fax:588-0083

## CRUISING from Aruba is BACK!

### ANTILLES AND SOUTH CARIBBEAN

8 DAYS/7 NIGHTS on board the HORIZON

**ROUTE:**  
Aruba - La Guaira/Caracas - Curacao - At Sea - Colon - Cartagena - At Sea - Aruba

**Special Prices All Departures**

Departures: 2011-October 24, 31    2012-March 5, 12, 19, 26  
2011-November 7, 14, 21, 28  
2011-December 5, 12  
2012-January 9, 16, 23, 30  
2012-February 16, 13, 20, 27

**Special Prices Christmas and New Year**

Departures: 2011-December 19, 26  
2012- January 2

**Pa reservacion yama**  
**ALDO na 582-1992**

TIPO DI CAMBIO OFICIAL			
Valido pa 12 Augustus 2011			
Placa Extranhero	Bank Papieren	Wisselen, Cheque Reis Cheque en Over Boeking	Benta na Publico
US Dollar	1.77	1.78	1.80
CAN Dollar	1.78	1.80	1.82
Engelse Pond Sterling	2.83	2.88	2.94
Zwitserse Frank per CHF. 100	231.10	231.82	232.62
Ned.Ant. Gulden per ANG. 100	98.00	100.00 biljetten chg./overboeking	100.20 100.00
Japans yen per JPY. 10.000	230.59	232.69	235.03
Euro per XEU. 100	251.50	253.80	256.35

Find us on Facebook

## DANKI PA YAMA

E celular aki ta dibo si bo tip conduci na un articulo exclusivo

HOTLINE  
**733-8477**

## Digicel

E Red Mas Grandi y Mihor.

## TA BUSCA

### Sal Gift & Souvernier

ta busca un Manager

Tel: 7319111

Provision di Devisa 1.3%  
Segun articulo 12 di Afkondigingsblad di Aruba 1991 nr.GT 32.  
Banco Central di Aruba ta defini e tipo di cambio oficial pa e cambianan di placa extranhero.

## BANCO DI CARIBE

## Labco

### MEDICAL / HOME HEALTHCARE

RENTAL/SALE of Medical & Home- Healthcare

- \* Wheelchairs
- \* Beds
- \* Walkers
- \* Bathchair
- \* Commodes
- \* Crutches / Canes
- \* Oxygen Concentrators/Cylinders

**Difficulty Walking**  
**Rent a portable electro scooter**  
(Fits in all cars, trucks, 41lbs).

**Tel: 582-6651 Fergusonstraat #52, Dakota**

## Horoschoop

### Aries

21 Mrt - 20 Apr

Bo ta reconoce erornan cu tabata e causa di bo fraccionan den pasado y pone punto final. Pas ta bolbe reina den bo bida.

### Tauro

21 Apr - 20 Mei

Keda na bo banda loke realmente ta combenibo. Proyecta na otro horizonte. Caba di unabes por todo cu e fantasia den amor.

### Geminis

21 Mei - 20 Jun

Cumpli cu bo resolucion, re-afirma bo promesanan pa haci realidad. Cuida bo sistema nervioso, relaha y descansa.

### Cancer

21 Jun - 20 Jul

Famia ta uni mas na bo. Disfruta den un clima dushi den bo cas. Ta un dia di recuperacion emocional. Relacionnan nobo ta enfatisa.

### Leo

21 Jul - 20 Aug

Esnan cu ta na bo banda ta kere den bo. Bo ta sintibo capas di logra lo imposibel. Bo ta romanticamente agresivo, sensual, pasional

### Virgo

21 Aug - 20 Sep

Scucha atentamente comentario y criticanan di otro, pero dicide segun bo curason ta dicta. Un amigo lo ta bo man drechi durante dia.

### Libra

21 Sep - 20 Okt

Pone di bo parti pa reina pas den bo relacionnan sentimental. No perde bo tempo den loke no ta prospera, ni den esnan cu no ta ofrece seguridad of estabilidad.

### Scorpio

21 Okt - 20 Nov

No discuti pa religion of politica. Scucha, pero no comenta loke otronan a confesa den secreto. Ser mas reserva den loke ta referi bida personal.

### Sagitario

21 Nov - 20 Dec

Bo tin e habilidad di anda diplomaticamente cu personanan dificil, ganando nan cu un sonrisa cu ta yega na nan curason.

### Capricornio

21 Dec - 20 Jan

Practica pordon. Traha un lista di tur e personanan cu di un manera of otro a hacibo daño y pordona nan di curason, no warda rencor.

### Aquarius

21 Jan - 20 Feb

Bo bida ta tuma un giro nobo pa independencia y e seguridad cu semper bo tabata kier disfruta di dje. Den bo ta manifesta un cambio total di filosofia.

### Piscis

21 Feb - 20 Mar

Risca di haci algo pa bo y no permiti cu ningun hende ta controlabo of trata di interferi den loke va bo a dicide caba.







*The Lord is my shepherd, I shall not want.  
He maketh me to lie down in green pastures;  
He leadeth me beside the still waters.  
He restoreth my soul: Psalm 23:1,2,3*

Honored and thankfull with the Lord's will we hereby announce  
and celebrate the passing away of our beloved:



## Sra. Maritza Imogene Juddan

Better known as: Maritza

Parents:

+ Ovid O. Juddan

Pascualita V. Juddan-Chique

### Brothers:

+ Elgin A. Juddan

Ahmid E. Juddan

Kenrick T. Juddan

### Just Like Sisters / Brother:

Maria F. Petit

Barbara van Harselaar

Dainys Barrios

MeridithKoc

Roxana Koc

Clemencia(Emy) Lopez-Koc

Giovanni Koc

### Family:

JyllianJuddan / BeniotCarer (The Netherlands)

LuisdinoJuddan (Venezuela)

Sarah Juddan(The Netherlands)

Aisha & Earl Fraser

ElianeNaidu

Andrea Naidu&Family (USA)

Dr. Francis Williams(USA)

Lennox Williams(USA)

Bernard Williams(USA)

CyrillJodhan (Canada)

Zoriada Gonzales & Family (The Netherlands)

IlseKrips& Family (Curacao)

### Friends&Neighbors:

Al Peterson, Annelies& Jack van Baal, Haynes, Koc, Kelboom,  
Elizabeth, Hortencia, Melissa de Veer, Marja Webb, Shareldine,  
FridaCroes, Briesen, ex. Colleague PasteurZiekenhuisOosterhout/  
The Netherlands, Colleagues of LandsLaboratoriumy Dr.  
HoracioOduber Hospital and other relatives and families too  
numerous to mention, excuse us if during our grief we have  
forgotten to mention any names

According to the will of the late Maritza;Families, Friends,  
Relatives and (ex)Colleagues are invited to attend to the funeral  
service that will take place on Thursday August 18th, 2011 at 3pm  
at Ad Patres funeral home. Address: van Rensselaerstraat # 2, San  
Nicolaas, Aruba and then from there to the Catholic cemetery in  
San Nicolaas.

The body of our beloved Maritza will be laid out from 1:00 pm at  
Ad Patres funeral home for condolences followed by the Funeral  
service at 3pm.

Dress-code: None mourning

Instead of Flowers, there will be a donation-box available to  
contribute to Wilhelmina KankerFonds.  
We regret that after the funeral we can't accept condolences at  
home.

Staff and Management of Ad Patres funeral home extend  
their most sincere condolences to the family.

**AD PATRES** funeral home  
Van Rensselaerstraat 2  
Tel. 842299 - 934344  
Family owned and operated

**Mementomori Funeral Home N.V.**  
Yolanda - Leo - Eugene  
Tel: 5833358 - Fax: 5837711

*Un kos so mi a roga Senior,esei so mi t'anhela:  
Ku mi por biba den kas di Senior tur dia di mi bida  
Pa kontempla splendor di Senior I bishita su tempel.  
Salmo: 27.4*

Cu inmenso tristeza na nos curazon, nos ta participa  
fayecimento cristianamente di:



## Robert Cerilio Sint Jago

\* 9 Juli 1949 - + 12 Augustus 2011

Na nomber di su esposa:

Sra. Manuela St.Jago -Koolman

Yiunan:

Jolanda St. Jago

Anthony St.Jago

Giovanni St.Jago y Sharitza Arrindell

Llaida St.Jago y Kenneth de Palm

Lisa St. Jago y Rocindo(Erwin) Wever

Angelo St. Jago

Nieto y Nietanan: Rigel, Kevin, Edseline, Christopher.

Rumannan : Edmundo Rooi y Fam.

Julio Rooi

Nilka y Janchi Leonard St.Jago na St. Maarten

Bustilio Rooi Malvis y Toko St. Jago y Fam

Marislinda Koeys-Rooi Diana Anthony

Merugia Rooi Stella St.Jago y jui na Hulanda

Bozalmiro Rooi

Nelson y Felicia y Fam.

Ronald y Dernice St.Jago y Fam.

Tur cu nan respectiva Familia.

Reinaldo y Silvia St.Jago y Fam. na Hulanda

Yudith y Franklin Alberts y Fam.

Muris y Robby y Yui

Bertha y Otto

Richard Croes y Fam

Mora Croes y Fam

Osbaldo y yunan.

Suegro y Suegra: Dominico (Padu) y Greta Gomes-Nicastia

Swa y Cunjanan: Amarillys Gomes y Yiunan

Humphrey y Stella Gomes-Vrolijk

Geraldine(Sherry) Gomes y Yiunan

Carlos y Maruja Gomes y Yiunan

Nivia Gomes y Yiunan

Demas Swa y Cunjanan.

Elsa Alberto na Corsow

Ilda de Windt na Corsow

Fa-Fa y Fam na Corsow

Nel Ogenea

Carlos Correa

Camilio Anthony

Tur cu nan respectiva Familia.

Subrina y subrinonan, prima y primonan, comer y compernan .

Su bon amigonan: Faity Vasquez,Lucas Lopez, Richard de Lange, Jose  
Demas famia:St.Jago,Koolman, Toledo,Wever, Arrindell,Gomes, Morillo, Isei,  
Loefstop,VanHeyningen,Anthony,Rooi,Koeys,Pinedo,Alberts,Correa,Soriano,  
Marin,Leonard,Croes,De Windt,Anthony,Alberto,Beltran,Henriquez,Willems,De  
Cuba,Winklaar,Dwart,Kasin,Thiel,Carrión,Monsanto,Ramiro,Dirks,Richardson,  
Dania,Ras,Curiel,Bekker,Geerman, De Palm y demas famia na Aruba,  
Corsow,Bonaire,St. Maarten y Hulanda.

Ta invita tur su bon bisinanan, amigonan y conocirnan pa asisti na acto di  
entierro cu lo tuma lugar Diahuebs 18 Augustus 2011 di 2'or pa 4'or di  
atardi,saliendo for di misa Inmaculada Concepcion na Santa Cruz pa Santana St.  
Maria na Santa Cruz. Nos defunto stima lo ta reposa di 2or di atardi den misa  
Inmaculada Concepcion na Santa Cruz. Adres pa condolencia: Warawara 10-B  
di 7'or pa 9'or di anochi. Famia lo aprecia cu enbez di flor of kran un  
donashon pa Wilhelmina Kankerfonds lo ta altamente aprecia. Lo tin un box  
disponibel den misa pa e bunita gesto aki.

Nos ta pidi nos disculpa si den nos tristesa nos por a lubida un of otro famia.  
Nos ta lamenta cu despues di entierro nos no por ricibi bishita di condolen-  
cia na cas.

Misa nan lo ta : Diadoming 21 di Augustus 2011 pa 6:30 pm

Diaranson 24 di Augustus 2011 pa 7:00 pm

Diabierna 26 di Augustus 2011 pa 7:00 pm misa di 8 dia

Despues di misa lo tin resamento na cas Warwara 10-B

**Aurora**  
Funeral Home  
Cumaná 76-  
Omarjesta,Aruba  
Tel: 588-6699  
Fax: 588-6698  
Cel : 993-0857 / 560-1403

*"Señor ta mi wardador, mi'n tin falta di nada: Den cunucu di yerba berde, E ta  
ponemi sosega, E ta hibami na awa tranquil pa mi bolbe haña forsa."  
PS. 23:1.2.3*

Cu imenso tristesa na nos curason, pero agredicido pa tur loke e la hasi pa  
nos, nos ta participa cu a fallece cristianamente:



## Sra Vda. Andrea Werleman-Werleman

Mihor conoci como "Dudu of Andrea di Nawa"

\*19-01-1937+12-08-2011

Na nomber di su juinan: Maria y Pedro Morillo Werleman y Famia  
Prisca Werleman y juinan na Aruba y Hulanda  
Ignacia Barrera Werleman y Aniceto Goze y juinan  
Mariano (Nacho) Werleman y jui  
Marlijn y Hubert Jacobs Werleman y juinan  
Teresa Xiomara Werleman y juinan  
Soraída y Mario Irausquin Werleman y juinan

Rumannan:

+Serapio y Juliana Werleman Werleman y Famia

+Mario y Ethel Werleman Yarzagaray y Famia

+Francisco (Cheke) Werleman

Reineria y +Bernadino Paesch Werleman y Famia

Mauricio (Mouw) Werleman

Camilio (Michi) Werleman

Jean Werleman y juinan na Aruba y Hulanda

Rica y Genaro Morillo Werleman y Famia

Elsa y Felix Dubero Werleman y Famia

Juliana y Maldo Marin y Famia

Jacantha y +Angel Kock Werleman y Famia

Leopoldo (Poy) y Diana Werleman Henriquez y Famia

Ina Werleman y Domingo Dania y Famia

Swa/ Cunanan:

Laura Werleman y Famia

Simplicio Werleman y famia

Ambrosio Werleman y Famia

† Ale y Edith Werleman y famia

Dominica Werleman y Famia

† Rey y Ingrid Werleman Gomes y famia

Bertha Werleman y Famia

Rufino Werleman y Famia

† Mario y Lucardia Werleman Geerman y famia

Aura y † Pablo Werleman y Famia

Vda. Josefita Wernet y famia

Suegronan:

Jan y † Julia Irausquin y famia

† Calixto y Maria Jacobs y famia

Ex Suegro y Suegranan:

Magaly Irausquin y jui

Roland Donata

Julio Cesar Barrera Morrel

Nieto y Nietanan:

Enrica, Natalie, Benjamin, Edward

Samuel, Jessica, Priscilla

Jesus Alberto, Julio Cesar, Angelica, Robinson

Jeyceline,

Shalin, Shalen, Shalijn, Marlijn

Jeanerick, Tyshanicka

Rodney, Marvin Noraima

Bisanieta y Bisanietanan, swa y cunanan, Sobrino y Sobrinanan, primo y  
primanan, comer y compernan, iha: Francisca Werleman

Amigo di Cas:Roland Peters, Kees Werleman, Felix Geerman, Ramlal Budhu,  
Rafeal Geerman.

Famia: Werleman, Morillo, Jacobs, Barrera, Irausquin, Dirks, Geerman, Kelly,  
Goze, Donata, Croes, Peters, Yarzagaray, Dubero, Marin, Kock, Henriquez,  
Dania, Paesch.

Demas famia ta invita tur amigo, bisina, conoer pa asisti na e acto di entierro  
cual lo tuma lugar Diamars 16 Augustus 2011 pa 4'or di atardi saliendo for di  
Misa Inmaculada Concepcion na Sta. Cruz pa Santana Catolico na Santa  
Cruz. E resto mortal di "Dudu" lo ta reposa for di 2'or di atardi den Misa  
Inmaculada Concepcion.

Nos ta lamenta cu despues di entierro nos no por risibi bishita di condolencia  
na cas.

Nos disculpa si nos por a lubida un of otro famia den nos tristesa.  
Famia lo aprecia cu enbez di flor of kran un donashon pa Fundacion  
Edmond Harms lo ta altamente aprecia. Lo tin un box disponibel den misa pa  
e bunita gesto aki.



Minister Dr. Richard Visser contento cu e atendencia masal

## ArubActivo na Playa Pabao a resulta un exito rotundo

Pueblo birando mas consciente riba importancia pa mas movecion y comemento saludabel



ARUBACTIVO definitivamente ta hayando atencion di henter pueblo di Aruba, ya cu enberdad pueblo henter kier haci mas movecion y biba saludabel. Minister di Deporte, Dr. Richard Visser hunto cu IDEFRE ta sumamente contento cu e atendencia masal na e evento aki diasabra ultimo den e bario di Playa Pabao.

ARUBACTIVO a haci un cos grandi na Playa Pabou, e animo riba cara di tur hende presente prome cu inicio di e actividad, tabata bisto. E luga tabata sin duda algun, uno bon scogi, ya cu por a aprecia hopi movecion tumando luga na mesun momento. Esaki tabata e prome ARUBACTIVO grandi, ya cu e tres promenan tabata den un structura mas chikito.

Ya for di 3or di atardi, pues 1 ora prome cu e actividadnan cuminsa, tabatin hende presente cu warm up di Pannabol. Y pa 5or di atardi ya e luga a yena completamente cu un cantidad grandi di hende cu a bin pa ricibi informacion of pa participa activamente den e diferente eventonan di movecion na Centro di Bario Playa Pabou. Sin duda e variedad amplio di actividad a atrae publico, ya cu tabatin: caminata, zumba, mission, pachek silek, pannabol, weightlifting, Aruba Wielerbond, Aruba Break Dance Foundation, Botica di Servicio cu e suplementonan di alimentacion, Stichting Verstandelijk Gehandicapt cu bolas crioyo, Clown Doctors, Awa di Coco, Fitness, Powerlifting, Duathlon y Xavier University cu a percura pa tuma presion di e participantenan.

E caminata sigur tabata hopi bon atrobe y e ruta cu a scoge tabata uno ideal, ya cu constantemente tabatin hende riba e ruta. Nos hendenan ta gusta cana y esey a keda demostra un biaha mas, cu e presencia di un grupo hopi grandi. Un otro actividad cu tambe a hala hopi atencion tabata e bike tour.

Pueblo di Aruba a disfruta di un diasabra yena cu actividad fisico pa tanto grandi y chikito. ARUBACTIVO a termina pa 7:15 cu e tan gusta Zumba, unda cu tur participante a gosa sin fin. Minister di Deporte, Dr. Richard Visser y IDEFRE ta gradici henter pueblo pa nan sosten y sigur por spera mas evento di ARUBACTIVO, ya cu hunto nos ta sigui haci movecion y promove un bida mucho mas saludabel.

